


廿二

甲子課教上

二 銘制義第貳冊



似徵是後氣非曰字
虛拙法

圓穩如題

暗伏一筆以清題
界

○ 周人以栗曰

更稽周社之所樹而為之益一解夫周人之樹栗亦因乎土之
所宜也乃宰我為之益一解豈果有所微附會哉想其對哀公曰我
周之制禮也事必有其義矧其於森嚴之地乎何則表章之制昭
然立一代之規則瞻望之間必隱然寓一朝之意彼其監夏殷而
垂法者雖未嘗明告於人而歷年未久猶可參稽典籍之遺文而
揣其意之所謂也君問社臣既以夏殷之所樹者對矣然前朝遺
蹟置屋於壇未敢為無稽之言也粵攷我周乃立冢土厥樹維何
蓋以栗云臣聞周書所紀東社唯柏西社唯栗南社唯栝北社唯

為上截作波

為日字就波

二比空中設色澹
采濃思頗有天
南園畫之勝

槐太社唯松是周亦不專用栗也然所樹雖兼諸木而所尚者唯
栗當其建國而築之燾以黃土苴以白茅而樹栗之制自王社下
及置社罔敢違焉明其重也爾或者曰周之以栗蓋豐鎬之土所
宜也然在栗薪幽風咏之而秦風亦言隰有栗焉物土之宜而布
其神殆亦與夏取青州之貢殷取景山之產者等殊不知先王制
事必有其義况社之所建通乎神明立之表焉其意必深且遠也
樹栗之制豈無說乎何則閭閻草莽之夫爭欲求夫廣庇南國甘
棠愛思若舍淇園綠竹用觀威儀草野何知考据而一草一木亦
可以為表識者必為之發諸歌謠以傳於鄉里焉况乎社之為國

妙於烘襯其所
微引皆為日字作
翻筆故無後蹠
實

襯句映下

餘波點綴

而設者其所關尤大也則樹之以栗自當於國紀揆之已朝定尊
嚴之地亦必示以規模仁取懷柔三槐是德義取諸棘九棘是臨
宮庭豈待鋪張而一石一物亦足以寄聲靈者必為之著於令典
以儆爾官僚焉况乎社之為君而設者其所統尤尊也則樹之以
栗更可於君心度之已或謂蒐田之後于社誓焉其為地尊嚴自
不同徂徠之松新甫之柏也彼明罰勅法有繫于叢棘者矣茲之
所樹豈若東門之栗徒慨鄭風之過佚哉抑謂軍旅之行於社啓
焉其為令凜肅更不同松柏斯允松柏有心也彼執馘訊囚有集
于泮林者矣茲之所樹豈如楚邱之栗徒誇衛國之中興哉夫夏

虛扣

殷之所樹耳代已遠臣不敢附會至于以栗之說臣嘗稽之載書籍質之又老猶得而知之也使民戰栗請為君陳之可乎

運安貞於虛有書有筆色澤氣韻不染俗氣

文氣蓬蓬

必發

結處明說霸

為小惡於或今

向有碍

管仲之器

論伯佐之器如其量以核之焉夫管仲之績著於天下矣夫子略其事而論其器殆欲如其器以核之耳若曰夫人挾所有以顯於天下者惟器耳道德之精華皆存乎器學問之發越皆出乎器器者人之所持以為用者也苟知其事功而未知其局量宜為之深探其內而其餘可憲置之矣吾試論佐齊桓伯之管仲夫仲固人傑也有撥亂反正之能有定分正名之美澤被四國之選勳立百年之久其能有所設施於世者必其有所蘊蓄於中者也蓋仲固存仲之器矣抱帝臣王佐之學者經綸布乎宇宙其事業之盛

非器不能容其法制之垂。非器不能達是有器而不可測者也。而仲非其倫也。挾斗筲農圃之術者。能救營於穀屋。無包荒之虞。由於器之易盈。無充實之材。由於器之易竭。是有器而無所施者也。而仲亦非其類也。何則。仲自有仲之器也。天下稱仲之才者多矣。參國伍鄙。誇其剗制之能也。山高乘馬。述其富强之術也。然其才必須器以成。有器而其才乃見。才之蘊也。器畜之。而心有切局者。之廢也。器達之。而事有要圖。仲之才誠卓矣。而器適如其器。以運之。或衡於勢。或揣乎時。故語仲之器者。尤當觀仲之器。爾天下稱仲之功者久矣。定王於泚。明於上下之分也。攘楚於陘。謹於內外

之防也。然其功必待_器而行。有器而其功乃著。功之未彰也。器包之。而身膺其責。功之既施也。器出之。而人受其成。仲之功誠偉矣。而仍如其器以敷之。或度其德。或量其力。故論仲之功者。尤必覈仲之器。爾揆諸大道。不器之旨。仲惟能於衰世。展其猷。則其器亦何庸深論。假令生逢盛世。得堯舜禹湯之主。為之竭力贊襄。則器以甄陶而益顯。庶有窺於大道之冲也。而胡為于九合一匡之際。假於器以自鳴。律以君子不器之說。仲僅能於危時。奏其績。則其器亦何必苛求。假令運際明時。得皋夔伊傅之臣。為之同心匡濟。則器以砥礪而愈精。庶無愧於君子之學也。而胡為於隰明鮑叔之

傷。挾其器以自重。噫。夏璉商瑚。莫名其器。器之溫粹者也。吾固不
必為仲也。盤根錯節。乃見利器。器之精良者也。吾不能不為仲也。
管仲誠自有其器也。無如不能進於王之。大而止於霸之。小耳。惜
哉。

賦得大道不器

得神字五言八韻

大道安能執。圓通詎有倫。無方斯感運。不器乃為神。和制常
完璞。非雕自養真。何須精剖鑿。詎欲顯陶甄。雖滿寧憂覆。因
平却見均。圭璋休更達。瑚璉亦徒陳。循此當脩禮。由來遂重
仁。

聖朝淳厚化六合布經綸

得向而入通篇
從此導竅

妙觀題情一語
中竅

○

從者見之出曰二三子

始所因以見聖者既出而仍詔之焉夫既見之後未出之前其間
封人之於夫子必有觀其深者矣記者特記其於從者如此且吾
夫子周遊列國惟與二三從者為同心從者之心無異夫子之心
而夫子之心亦無異從者之心故予曰疏附必待從者而後通即
可與從者以相證蓋其間感應之微從者胥默識之矣如封人之
向二三子而請見也斯時諒封人之心而肯以告者惟二三子不
諒封人之意而不以達者亦惟二三子即或傳命而入傳命而入
出而不必見之亦惟二三子乃何幸而從者竟見之耶其見之也

跌宕超妙此善
奕者爭先着法
下力於題之奕繼
中尋出議論以作
補筆方見題句
不是尋常叙述此
識見勝人處

必有以知封人之心者則於一見之中或以試斯人之識見未可
知也其見之也必有以知聖人之心者則於一見之內或以證吾
道之道塞未可知也此何待既出而後知二三子之可與語哉維
時封人所以叩知子與知子所以酬封人其詞雖不傳而其意正
有可思者夫子道大莫容而民生之攸屬者必不可舍則當酬
之頃其精神早隱以契證焉而封人已默會於形聲之表將舉畢
生之懷抱徹其前後而矢之而不能面質之也惟於從者一揭
之而其意更不必為他人道矣夫子大行有志而重任之攸歸者
自不可諉則當語言之際其學問早不覺流露焉而封人已曲探

諸議論之間將舉名也之經綸綜其初終而識之而不能直陳
之也惟於從者一吐之而其意尤不屑與俗人言也矣維時封人
出矣出而仍詔二三子矣其出也豈以未識夫子欲有以相質耶
非也惟從者為聖門之首選則證其心于同志雖不必叩之二三
子要無不可宣之二三子也其出也豈以既知夫子遂默爾而息
耶非也惟從者為斯道之羽翼則發其論於一堂雖不必贅述之
二三子要無不可盡抒之二三子也蓋封人仰慕之誠致於請見
之前識見之高著於既出之後木鐸一言其旨深其意遠雖告之
從者而有以知其見夫子之時必大異乎人矣不然其間語言晉

樓從者豈不聞之。而何以畧而不傳也哉。

賦得雉入于淮為屋。得為字五言八韻。

雉原稱耿介。變動却乘時。十月淮還入。三冬屋可為。錦衣濡水足。綺翼拂波宜。雲霧光初現。樓臺影竒奇。前身蛇已脫。今日浪偏隨。鯢化應相笑。鯨飛好共馳。漫誇魚羨鳥。翻恨樹臨池。桐柏山邊伏。還疑五彩披。

觀書得簡騰空運思相題有識乃
能起下木鐸因緣

不處也貧與賤

高郵舟中閱

所不處者富貴可更即貧賤以觀之焉。夫富貴非盡不可處。而不以其道則必不處矣。更微之貧賤不可詳觀其人哉。且吾人有先立之心。而天下有履移之境。惟其逐於境者。約故必持不淫之志。惟守於心者。定故能歷至厄之途。豈得曰心苟無欲。不必再徵於境遇之窮乎。如富貴為人所欲。而乃不以其道得之。抑思富貴固何如境哉。古之莘野幣招。而往渭濱車載。而來有先貧賤而後富貴者。境之窮。何不可易。而為境之通乎。雖然此固以道得者也。苟非其道。則斷斷不處也。蓋處必準乎義。義不可則不進。人或以遇

起筆緊接
筆勢

此層淺以選題
面蓋題是對舉
不是通說也

窮為可取而我視所處之苟且其可耻有甚於人之所耻者也以其不揆諸義也車寧曳其輪而勿蹈濡尾之戒處必因于禮禮不備則不合人或以位卑為可耻而我謂所處之僥倖其為辱更深於人之所辱者也以其不衷於禮也婦縱喪其節而無違勿逐之貞其不處也以其為非道之富貴也何嘗計及於貧賤哉然吾試即不處而例推之且更於此富貴而反觀之天下固有浮沈之輩往往挾一術以槩其餘苟以不處之心易一境以例推之則平情以施轉可藉為蔽身之固然而其心已偽也則不處者固未嘗例推之而始及於負且賤也天下又有狷潔之徒往往執一節以表其異

此層深以取題
意以此纔是君
子為仁之學
頓筆轉關筆
如子水庫

苟以不處之心易一境以反觀之則違眾自矢乃足彰其獨立之襟然而其心已矯也則不處者尤未嘗反觀之而有取於負且賤也吾乃由其心之無累而更微於境之易累因其心之不移復驗於境之忽移則有如貧與賤乎貧賤之途受以困困則其遇窮矣雖懷材之彥亦際此甚窮之遇故富貴者可以參觀也葛藟有悔矣必須赤紱之末貧賤之象取乎屯屯則其行塞矣雖蘊德之儒尚遭此見塞之行故富貴者尤當互證也乘馬有班亦可卜建侯之利然則富貴不處者何不可於貧賤而再覘之哉蓋揆不處之心猶恐其得半即止故必復試諸艱厄之遭而合貧賤之境更微

其遇險如夷故不第主乎豐亨之遇觀於所惡獨能不去不可愈見其心德之全哉

賦得麥浪得秋字五言八韻

一望郊原遠無邊見麥秋風吹青浪漾雨灑綠波柔四面環村漫千層拍陌浮菜花分野迥蘋葉接新洲雲外迷黃犢煙中浴白鷗香同蘭泛泛影共黍油油柳塢難垂釣桃源詎引舟來年欣有瑞

渥澤遍西疇

上句坐實下句懸空之界限須盡得分明文清快絕倫中幅尤見沈

聲

德不孤必有鄰

無孤立之德徵之鄰而可見矣夫天下有孤立之德是必無鄰也徵諸鄰之必有而德之不可見哉夫子曰天下備德者之少也殆恐德之易孤也抑知德同則相輔德異則相成推之天下而皆通撓之今古而胥合蓋吾以德感人莫不以德應也如謂德易

振挈後四叶
筆力堅卓

於孤則何為鄰之未嘗或乏耶嘗思德也者宇宙間所具之理心潛之而身體之扣宇宙間並生之人共知之而共行之則人已相

源頭上著

筆純乎大

家

節而非立異以為高德也者天地中所同之道天付之而人受之亦天地中歷世之人常體之而常用之則物我無虧而非獨創以

此二比似乎可者
不孤有鄰三語
說去亦得

自表是德之不孤明矣如其孤也則必無鄰焉可鄰之象取乎比
比之為言也一人立乎其上也而眾人共助之則其力全德協而力
亦協自有似於比櫛之室爾鄰之義法乎同人同人之為道也一
士聞乎其先而多士羣慕之則其心合德一而心亦一更不殊於
同作之家爾然則德之不孤可徵諸鄰之必有矣今夫人有同德
之鄰焉有異德之鄰焉一人立德於此或指其矯志嗎高或謗其
偽言惑眾則吾德不已孤乎故必有同德者以為鄰焉如水之流
濕如火之就燥內有以蓄吾德之潤外有以發吾德之輝孤危之
身而以同德輔之是故以之交脩則相引而並進以之圖治則相
協而求成惟其德同故相親附而德益固易所謂同心之言其臭

此他人說不

如蘭者此也一人備德於此發一言語而共謂其然行一事而羣
稱其是則吾德反易孤耳故必有異德者為之鄰焉如五味之調
如五聲之應進可以補吾德之偏退可以除吾德之累孤寡之身
而以異德濟之是故以之飭躬則剛柔予焉交克以之議事則寬
猛予焉互施惟其德異故相夾持而德彌進詩所謂他山之石可
以攻玉者此也吾於是知其四海皆為鄰矣德不以地而殊九州
自有同心一荒豈無同志果其純於德也放諸東海而準放諸西
海而準我以德居其間必有能左之而能右之者自不至於無輔

翼而孤行也。豈曰里仁為美。彼固非我族類也。故又於是知其千
古無非鄰矣。德不以時而限。千載祗此一心。萬世祗此一道。果其
充於德也。觀乎百世之上。觀乎百世之下。我以德在其中。必有為
之前而為之後者。自不至於離上下而孤立也。敢曰尚論古人所
見。徒在詩書也哉。是以雲龍風虎。大人有聲氣之占。切磋琢磨。君
子有箴規之益。德豈有孤者哉。可即富以其鄰。驗之矣。精彩鬱發。若青
蛇退鱗。光動水

賦得野無遺賢

得賢字五言十韻

詠涵星斗

盛世儲材廣。虞書蹟自傳。禮羅知在野。幣聘詎遺賢。草莽情能達。
絲綸意盡宣。一方秋水外。十畝小桑邊。抱璞曾何恨。懷珠竟

以字未穩
得旋錐囊歲已出。珊瑚取寧捐。鈞渭空留月。耕莘遠鎖煙。淡
郊驚寤寐。蓬戶絕歌絃。茅拔占同進。鴻儀象並連。萬方承
帝德。樂育更無偏。

試律詩現在如吳穀人先生實為出神入天萬美畢備佩服
數十篇宜可淨掃陳言一掃精雅如鈞渭二將作家又力除
之故借世焉

子謂公治長

高郵舟中閱

聖人屬意於門人而特有以謂之焉夫公治長之為人何以爲子
所屬意也特有以謂之豈無所以取之哉且聖門弟子固得夫子
之謂而益彰者也然亦有其故焉其名足震於當世其行足顯於
一時子或舉其大概而論之或指其一端而稱之乃若其名不著
其行無傳而僅得夫子之一言以表見於後世雖其人自有可取
抑亦夫子之特識也如吾門有公治長者衆人之所忽視者也而
夫子乃有以謂之焉朝廷延攬之英猶待揄揚而聲始著長也行
未愜乎衆心亦僅沒於三千之列何以仰高山而志獨遊草野沉

主意

白中有眼

從下節邦有道
句對照作翻

收入謂字則實
處皆空矣

從下節邦無道
句對照作翻

照下句妻此比對
面翻襯

此比旁面翻襯
皆注謂字著
筆故不占實

淪之士一經拂拭而價彌高長也跡未孚乎輿論恐難儕於七十
之班何以附驥尾而行益顯然而夫子特有以謂之當必有可取
者在也天下之所屬耳目者恒在世祿之家箕裘之模範朱溼閻
闔之聲華宜紹苟得一匪驕匪傲者斯共謂其百福之求矣何暇
及孤寒之族乎而長則自甘貧賤也跡等原思之甕牖業同曾子
之耘瓜視彼振振公姓振振公族惟任炎涼之異狀耳而子之謂
之則固有超乎貴賤之外者已天下之所樂稱道者多在保身之
士卷阿之翺鳳罕聞空谷之白駒難繫苟見一亢身亢宗者斯共
謂其積善之慶矣誰復稱困沈之儒乎而長則自矢艱貞也愚似

季羔之避難懼如司馬之惟憂視彼譎譎去人溫溫若人深恐身
味之差池耳而子之謂之則又有出於禍福之先者已從來品評
之術必先問其里居斯其謂之乃切耳試思闕里有玉書之瑞昌
平有黼黻之祥以長而處此其能與為輝映乎子既深知其平日
則其謂之也諒不必如齊侯之尊鄩子之貴而後為之注意哉從
來藻鑑之精亦參乎感屬斯其謂之倍真耳試思顏淵為潯陽之
族孔弗居猶子之行以長而當此其能與為頡頏乎子既熟悉其
生平則其謂之也諒不止吾高固之枹子南之技而後為之屬望
哉蓋長之名未顯而子乃獨揭其心帝堯之所以觀刑于虞舜也

後比末及結比
所使事以其起
下叙不碍前事
則不可用矣

長之行不傳而子乃特畧其迹。蹶父之所以相攸於韓侯也。謂其可妻而原其非罪則長之賢可見矣。

賦得維德之隅 得隅字五言八韻

詩美威儀盛知由德不渝。身維心是聽外乃內之符。正位原無闕為坊自有隅。堂廉瞻最峻屋漏戒寧踰。守義方為貴從心矩豈殊象非同合璧飾莫似旋珠。後直當循軌為園敢破觚賢侯傳抑抑猶未仰。

皇謨

題位枯寂妙從下節對照取意而書卷又是以敷佐之遂覺名雋可誦

夫子之文章

德之著為文章者聖人自異乎人也。夫文章亦人之所必有而出於夫子則自異乎衆人也。謂非德之所著者哉。子貢曰人之所以彰於身而接於物者惟文章耳。防檢其威儀謹戒於辭令此亦人人所能者也。乃若德既充於中文自見乎外其精粹有蘊蓄之真其光華有發越之象雖不必以此自表而即此已見其異於人者則必觀之於吾夫子。夫子以生知之質而躋於神化之域不必以中規中矩為程也。夫子以好學之心而造乎渾全之詣不必以多材多藝為能也。然則觀夫光者豈可僅求諸文章哉。而抑知文

章亦自可以見夫子矣。文章必有所由發，得其粗者則為的然之文章，得其精者則為闇然之文章。故惟夫子乃有此自發之文章也。文章必有所由積，飾於外者不過無本之文章，充於內者乃為有本之文章。故惟夫子自有此日積之文章也。退則揚而進則擢，濁應宮而清應商，文章亦嫻禮者所共喻，而夫子之威儀則固有範之於身者也。一舉一動之間從心而自不踰，雖陳俎豆習禮容，幼時之嬉戲豈必盡思所以範之，要其從心之自然而施者隨時應接，即隨時皆有咸宜之妙也。其文章之見於動作者為何如也。辭之輯而辭之洽，言之文而行之遠，文章亦能言者所習知，而夫

子之辭令則固有運之於心者也。一問一奮之際見理而無不當，雖辟萊兵，道邱墟，倉卒之敷陳，豈必預籌所以運之。要其見理之當然而出者，隨處發見，即隨處莫非流行之機也。其文章之見於語言者為何如也。吾見有出履夫禮法，入放乎防閑者矣。而夫子則出入自如也。何也。文章不出於夫子，則有心之文章，而文章既出於夫子，則無心之文章也。惟無心也，故入固安其常度也，出亦安其常度也。又見有在外則克無愆，在內則遂有失者矣。而夫子則內外如一也。何也。非夫子之文章，則無德之文章，而為夫子之文章，則有德之文章也。惟有德也，故在外固不越禮也，在內更不

越禮也。雖夫子不僅有文章，則即文章而進求之，其精深難以即宣。而夫子亦自有文章，則就文章而顯微之，其幾見自為無隱。此所以可得而聞也。吁！此亦子貢既聞性道之後，乃能寔指其文章之所發歟。於此文家騰挪磨琢之法，已存憾矣。弟稍嫌近滑耳。

賦得春寒花較遲 得遲字五言八韻

正值探花候，春寒忽自持。欲觀開豔艷，却恨待遲遲。細雨頻侵蕊，輕風尚着枝。無言終日望，有信幾番窺。鄂折香仍斂，心含影未披。詎誇全盛色，偏愛半葳姿。湛露如相濯，游蜂豈得知。會看舒爛熳，對翫更情移。

未之能行

賢者勇於行，記者反言以明之。馬夫子路豈真不能行者，而當初聞之時，則自以為若未能行也。記者反言以明之，不愈見其行之速哉。今夫人莫患乎行之艱也，自居於不行者，固不能行。自謂其能行者，亦未必行。則行之不具難哉。乃若恥於不行而勇於必行，惟必欲行之極，轉有不能行之思。非真不能行也。汲汲趨之，若或失時，其精神反以行之艱而愈見矣。如子路既有聞，聞則知其事也。豈無所以為其事者乎。聞則悟其理也。豈無所以循其理者乎。蓋必有以行之矣。行所以實其聞也。知之既真而不加以進脩之

以下四比聖賜
可誦而區未
有心實虛故
但點讀而已

論則其聞尚虛而子路不敢虛之也一聞之後而神慕焉而身體
焉其心有人乎聞之中者矣行所以效其聞也悟之既深而不加
以篤志之學則其聞猶棄而子路不敢棄之也一聞之際而奔赴
之而踐履之其力有餘於聞之外者矣子路其真能行矣哉欲行
者莫如子路必行者莫如子路而何以尚有未之能行者今夫行
之欲速也不策以時則其志氣不果當夫初聞之際將行之頃其
間固有必赴之時焉而子路以為不及其時也自恃為急於行斯
必至緩於行自責以緩於行斯可以急於行故人以子路為已行
而子路且自以為未能惟以為猶未也斯其行有獨赴於時之先

者知行之欲專也不迫以勢則其精神不聚當其既聞之後未行
之先其間固有可乘之勢焉而子路以為已失其勢也自喜其行
之易乃致其行之難自慮其行之難乃見其行之易故人以子路
為即行而子路且自以為未能惟以為猶未也斯其行有獨乘於
勢之早者矣蓋定志之備積於平日而勵志之法見於臨時子路
之未能行所以勵其志也夫行之時去聞無幾何妨稍緩其程乎
而子路不敢也事處於後則志懈而難圖事捷於先則志專而能
致直欲於俄頃之際聞亦在焉行亦在焉不敢失於交臂則其情
如有所未及耳養氣之功由於集義而作氣之用見之決幾子路

之未能行所以作其氣也夫聞之後行即隨之何必不差其候乎
而子路不肯也意主於退則氣衰而易竭意主於進則氣盛而猶
金直欲於瞬息之間既欲聞焉又欲行焉不肯停於跬步則其趨
若有所未逮耳力雖優而戒以未能則前事自可速畢時甚暫而
惕以未能則後事自可進圖觀於惟恐有聞而子路勇行之心愈
見矣

賦得深樹雲來鳥不知得深字五言八韻

鳥為山光悅飛來入茂林不知雲欲掩却愛樹逾深密葉搖
青影低枝罩綠陰無心初未覺有夢乍難尋碧靄凌虛照丹

霞向夕沉當風翻巧舌送月弄清音不畏羅猶設寧憂繳或
侵自然鳴得意天趣付幽禽

小試有此必列前茅機圓形暢因無憾矣然以先正曉題之
法律之此句須與下句合看方得神理耳抑桂林於此種題
實不能道一字佳處自不免看不足處要其不取欺之意高那

可以諱之爾此次校讀尊文頗多妄議止見其佩服處實
非口譽而心諱也抑鳳皇之鳴而鸞鳩議其不諧恐鳳不值

一晒耳

首句不脫畧

○

○

子張問曰令尹子文

高郵舟中閱

賢者問楚之執政若有深意乎其人也。夫子文在楚國執政之良也。子張繫之以令尹。殆有深重乎其人者耶。昔孔子作春秋。其於列國大夫。賢則爵之。不賢則人之。獨楚之御貳。未有書其爵者。說者謂其名號多僭故也。乃一堂論贊。既舉其字。復繫以官。其立心行事。必有異乎人者。安得以南風不競。而謂楚竟無人也。如子張問令尹子文是已。夫子張何為而問也。想其問達之心。久已馳情於名譽。或者來遊南國。得諸父老之傳聞。而一語相稽。夫豈忍於邦家之產。問行之志。素惟騁想乎事功。或者尚論前人。得諸旂常。

切楚國官階法
讀書得間

為仕字作視

強對

為己字作視

之篡述而一言相質夫豈遺於蠻貊之邦於是問諸夫子曰我聞
楚有令尹國之執政也令尹子文楚之國老也魯有三桓鄭有七
穆他邦之執政皆也及以為常而楚之為歷官也以策第勉其時
暫矣夫子上則諫立商臣子囊則遺命城鄢楚令尹勤勞王國敬
肅公朝其心跡多光明可通而以子文為之更若越數賢而獨成
其德也夫豈因次第而退讓與晉文作五軍晉悼作四軍晉卿之
執政必立貳以為佐而楚之授職也獨專專則責重矣夫伯恭則
用諛謀位子常則黷貨敗邦楚令尹媚嫉妨賢貪婪招禍所其素
行或闇昧難言而以子文居之固已異教子而無負其任也夫豈

照下新舊妙有
議論

因權專而尸位與且先子文而為令尹者有子元淫而多暴鬪般
殺之子文繼之為獨難矣苟子元勤恤王家自可止伐鄭以紓國
難乃一則舞於宮一則毀其家是子元不欲子授子文而子文勢
必代子元也冠令尹以于子文以有為之前者而益彰也後子文
而為令尹者有子玉剋而無禮為賈病之子文舉之為失計矣苟
子玉韜斂才智自必善治兵以樹國威乃一則終日畢而一則終
朝畢是子文深為子玉惜而子文王偏不為子文地也繫子文于
令尹以有為子後者而益顯也其先有伯比之勲惟子文承其令
緒其繼有子揚之節惟子文樹厥家聲蓋子文以令尹而特顯故

必繫之以官而令尹以子文為獨優故復稱之以字試歷詳其行而其為人何如

意議波瀾都能照下而只於令尹

樹義雲際盤旋故不蹶實斯為善

用書卷者

子在陳曰歸與歸與

扼重首。

振直字
眼光直
亞下交

人多思眼
在陳此獨
着眼

聖人不欲居陳而興思歸之歎焉夫道之不行即在陳時可見也
夫子不願居之能不興思歸之歎哉昔夫子所在即道之所在也
其出也為首不出則其歸也即為道而歸故有時抱不可已之衷
而值不可行之境動有所冀之意而為無所待之辭則一言而志
決再言而神傷者其情良可悲已如夫子在陳有足紀者當是時
胡公不作誰備適館之儀貞子徒存聊誌班荆之雅攷皞塘之舊
穆然以思聞桓釐之災凋然以感况復冉求既召尚有見用之期
子貢猶留亦作相招之計觀此邦之不穀念故土之可依一則曰

少事魯相
推朕如道
雖漢自竟
係家初被

歸與再則曰歸與夫子之心為何如者耶蓋嘗慨陳之民情蕩矣
擊鼓缶而佚於遊有蒲簡而期於愚誰復有貞其志者乎乃以徵
諸魯則宛邱貽救楸而泮宮自采芹藻也株林乘駟馬而泮水自
觀鸞旂也我其復我邦族與此也為鷺之值彼也為鷺之飛覺穀
且于差之予仲遠不逮從公子邁之虎丘也與其寄跡衡門孰若
退居闕里則一歸而可遲順彼長道之徽與抑又念陳之國俗疲
笑不破梁而役人情有庾積而農夫嬉誰復有勤其力者乎乃以
求諸魯則如夏氏而築臺胡弗詣太史而觀書也從夏南而衷
胡弗入故府而攷禮也我其迴我輪轅與此也鴟萃于梅彼也鴟

五五五雙
法成字文
雙齊可
執
中二保信陽
字聖漢之得
法在字起
法家取為
法換方不
法履

食夫黜覺墾田若執之小人遠不逮備禮以耕之君子也與其托
居沁水孰若終老東山則一歸而可希克廣德心之列與莫患乎
所在之陋俯予美而心怵遇淋人而晤語何其志之陋乎雖君子
所居無陋而要其陋於地者易變而陋於心者難變也我曷不歸
哉膏我車與秣我馬與無小大而欽色笑之承較勝於無冬夏而
習婆婆之舞耳莫患乎所在之拘思美人而涕泗期碩人而輾轉
何其意之拘乎雖君子所過則化而要其拘於遇者可化而拘於
識者不可化也我胡不歸哉返我旆與迴我轍與習禮容而取角
子之觥自殊於侈博物而驗楷矢之智耳雖樂飢棲遲陳之賢士

猶存則歸志或可少抑而成德達材魯之後生可造則歸思豈可
復囂噫吾道既不行於世而吾黨之小子尚可裁也則歸計誠不
可不決也

立陳而興傳道之思自不得輕拋首
向難其點染烘托無一字首空
斯為甚矣後穎墮

8 十室之邑

真州旅泊閑

室而有十其邑不可虛視矣夫十室至小之邑也乃夫子特舉之
其可虛視此十室乎哉嘗聞詠榛苓者念西方歌蔽芾者懷南國
未嘗不歎山川秀靈之氣其蜿蜒磅礴而鬱積者每於廣大之區
驗之也乃若地處最爾人無幾何寄遙情者當無復致其慨嘆矣
然地不必擇人不易知豈得以比閭之狹小而遽忽視之哉今夫
民之聚居者非邑乎有大邑焉公卿所鎮以為食采之地者固有
千家之衆知百雉之城可見屋廬之周窳有小邑焉司徒所轄以
畫井田之界者亦有百夫之多矣四邱之地可見宅舍之安閒是

照下用空中布景法

邑之有室也固也。而如其為十室乎。十室則其地狹。地形不足。恃矣。十室則其民稀。民風不足。觀矣。雖然其可虛視之也。哉。大凡賢豪之蹟。多在蒼翠之區。文采瞻茲。東里高風。武城近市。喧囂何以名傳。不朽乎。而此邑何如哉。十家為聯。數成兩伍。十夫有珍。地亦同溝。人或疑其褊。而非褊也。地褊而有覺其寬者。固無庸都邑之奕奕矣。自古隱遯之風。多在荒涼之所。旌旄每適。浚郊金玉。常懷空谷。屏居寂寞。何以聲著。不哀乎。而此邑何如哉。墻下樹桑。不踰十畝。邱中有麥。迴異十成人。或嫌其僻。而非僻也。地僻而有覺其美者。自不同虛邑之寥寥矣。於是知大邑之中。固未足以為

及逼下文妙以翻襯之筆出之

望也。京邑則築城踰制。費邑則歲甲。妨公非不崇。其垣墉麗其棟宇。而高明之家。保無鬼瞰。其室乎。惟茲葭蒼露白。宛在秋水之一方。而溯洄從之者。早矣。其為履潔之鄉也。對此邑而流連。豈以十室而鄙之也哉。即小邑之內。亦未可以周咨也。死邱則婆娑驚翫。城闕則仙達真青。祿非不矜。其佩服飾其儀容。而輕薄之風。能免他人入室乎。惟茲沁水衡門。猶有栖遲之五畝。而迂迴訪之者。早知其為通德之里也。過茲邑而慨慷。豈以十室而少之也哉。蓋邑而僅有十室。似為甚少。故采風而恐地之偏。邑而苟有十室。已為甚多。故望氣而知人之聚。必有忠信如某者也。而謂十室可虛視

我

賦得深夜月當花 得深字五言八韻

香○色○未○知○處○者○看○到○夜○深○名○花○如○有○待○皓○月○已○來○臨○空○影○空
相○映○芳○心○冷○不○禁○幾○回○人○自○繞○一○望○逕○成○陰○露○白○橫○空○岫○烟
青○起○遠○林○夢○方○驚○瘦○蝶○趣○欲○付○幽○禽○休○慮○雲○先○掩○何○愁○霧○氣
侵○悠○然○相○對○處○松○下○更○彈○琴

辭意圓密饒有書卷之澤

策其馬曰

高郵舟中

有所藉以示人者其言自可宣矣夫既已有言何必先策其馬也
孟之反殆欲借以示人哉且人臣効力於疆場亦惟振策怒馬自
誓死敵耳故果銳之氣不介而馳超軼之材絕塵以往勇於赴關
者當必有以自表矣乃若敗亡之餘一身扞敵而於眾所屬耳目
之地忍不禁揚鞭而語者抑又何也清之役師入齊軍右師先潰
斯時也拔旆投衡誰為倒戈以禦旗靡轍亂疇能掉鞅而還而孟
之反獨為之殿而將入門夫殿則尚何言哉入則更何言哉使其
奏凱而歸則代帥受名當戒先驅之疾如既歛軍以退則為眾分

諫難矜徐步之安。乃必策其馬者何也。吾觀其將欲言而先策其馬。且思其既策馬而即繼以言。人情以口相告。未必屬意。而以手相示。不覺驚心。反之。所為欲言而先策也。夫馬喪中林。爰有求之。馬首欲東。于馬瞻之。茲非陷敵。胡為策之。若不及乎。然上弗能謀。士弗能死。反殆無可自陳矣。言而以策先之。則屬目者。因以屬耳。自不結。木之徒事呼號。通人情以手指之。不解其意之何屬。而以口宣之。乃知其旨之所存。反之。所為既策而即言也。夫乘其四騏采芑發詠。閑之四牡。六月興歌。茲非乘勝。胡為策之。惟恐遲乎。然不扭欲走。那洩先驅。反於此。更不容表異矣。策而以言繼之。則耳

提者。即以面命。更不若還淳之惟求救援。爾且當日有敗而自矜者。孺子是也。實先衆奔。反誇能默。而反何獨策而有言乎。夫人即不居功。未有不遠罪。反既殿而在列。胡不賞其餘勇。以顯其能。而乃言之不足。又形之於手。以分咎也哉。當日有勝而不居者。再求是也。用矛之績。顯於執戈。而反何為策而有言乎。夫人即不敢有罪。而求冒賞。亦何至有勞而求罰。反既殿而獲全。何弗自誇丈夫。以宣於衆。而乃驅之已迫。又揚之救於口。以取戾也哉。吾知反欲以自掩也。故未見其在野以騁。而第見其入國以馭。反更以自退也。故不慮其馬逸不止。而惟慮其鞭長莫及。非敢後也。馬不進也。

而反之不伐之心可見矣 中幅互說處自見筆意

賦得錫我百朋 得用字五言八韻 餘嫌平衍無新意

嘉客傳聲價 詩歌擬百朋 恍同君子錫 宛若賈人徵 歷落原

相貫勻圓自共登 披星文叠叠 照月彩層層 一篋珠應遊 雙

聯璧詎勝 雍容賓欲送 珍重主來承 龜十從天祐 金三自地

增

聖朝勤樂育 士品四方升

8 魯一變至於道 子曰觚不觚

聖人望魯以至道而變道者又可慨也 夫魯周公之國也 一變斯

至道矣 奈何物之變道者多也 夫子故即觚而慨之 與且先王以

道治天下 大則存乎一邦 政教于焉可立 小即寓乎一器 名實取

其相符 流及後世 治道日衰 欲振其敝而煥其歆 反去其真而存

其號 聖人所以欲復秉禮之舊 而復致慨於世風之不古也 如齊

變至魯 固已而魯則何如哉 溯昔元公制禮 一名一物 必致精詳

故伯禽受封 分之備物 典冊官司 彝器煌煌 乎宗國之典型也 迨

其後 泮林之弓矢 徒懸闕宮之豆 遵徒設入 故府而參稽 舊章 雖

以數典 昧下筆意 疎落入古

提

中權節制詞義
簡括精湛

在其名實殆不可問矣。然而魯雖衰，其本未可動也。苟其一變，則至道不難耶。魯所患者，君弱臣強，至於氓庶之俗，則未嘗有奇技淫巧，蕩佚人心也。故周禮猶存，一變可復。公家之制，魯所患者，人止政息，至於會盟之際，則未嘗以皮幣玩好結交鄰國也。故淳風未絕，一變可復。開國之模，此夫子所以循名責實而深望其至道也。且夫道之所該者，大矣哉。國家倚以立焉，器數賴以定焉，道存乎國，則正名義以尊王守典章，以法祖道之所為，識其大也。道存乎器，則立其制而不淆，定其名而不易，道之所為，識其小也。奈何背古之風，由是趨新之習，日深而逞其私智者，方且變禮易樂，裂

冠毀冕而不知懼，豈特一國為然哉。蓋即一器之小，而亦無不然矣。夫子所以即觚不能者歎之也。斲木為耜，揉木為耒，道之所寓也。然或以用顯耳，若觚則以形顯矣。乃變其形而不變其號，幾同籛羊之徒備空文。網罟取諸離，書契取諸夬，道有可取也。然或以義起耳，而觚則以制起矣。乃制既變而名仍不變，幾同鐘鼓之空懸樂府。然則魯至今日，不幾與觚不能者同哉。噫！一國之衰，欲以道正之，而無如卒不變也。一器之壞，欲以道守之，而無如日以變也。觚變則不得為觚，魯不變而尚得為有道之國哉。

賦得煮海成鹽

得鹽字五言八韻

束

煮海齊民術。熬成即是鹽。風沙功始創。管氏法尤嚴。像虎形
偏幻。飛霜結更纖。牢盆傾自滿。薪火化還炎。黑白形原異。酸
甜劑欲兼。水晶疑浪疊。積雪憶冰黏。萬竈風煙接。千村園廩
添。調梅供鼎鼎。

聖澤荷羣露

因題立義。處大方不墮。纖佻之習。

吾亦為之

紗帽洲渡江閣

聖人設言所為。若亦無避於執鞭焉。夫夫子之所為。寧在執鞭乎。
設言求富。則亦姑為之耳。且君子決所為。以制行。未嘗有苟且之
心也。願為於分中。自當正以持已。而為于分外。無妨變以徇人。非
必苟且於為也。胸中本無此見。目中自有此途。則亦何妨降格以
相就耶。如執鞭之士。固至賤者也。然而以此求富。則必有為之者。
矣。君子不為賤隸。彼為之者。固營逐之心也。而何以責之吾也。大
人不親瑣事。彼為之者。固鄙俗之人也。而何以問之吾也。吾非求
富之吾。則吾非執鞭之吾。吾又何必為之。吾又何肯為之。然而人

既以有所求而為之矣。吾苟有所求也。則亦為之云爾。大凡為之之心。必審勢之所在。趨承不必大惠。而求之必盡者。此特慕勢者所為耳。吾願存慕勢之見乎。然而作史爰平料量。為臣徒望尼谿。向者平祿而來。固嘗有以為之矣。勿謂得富不因趨勢。而設一事以相偏者。覺世人趨勢之情。亦可姑驗之於吾也。已為之。加之必逐利之所存。營競不必遠圖。而求之必勤者。此特謀利者所為耳。吾豈存謀利之心乎。然而委吏曾司夫會計。乘田爰牧夫牛羊。向者為貧而仕。固嘗有以為之矣。勿謂致富不需營利。而設一境以自揣者。覺世人營利之懷。亦可聊試之於吾也。已有不得不為者。

三比饒有波瀾
意度

親老家貧。而祿仕以代養者。有之。然而奉檄之心。固異執鞭之士也。雖朝士用以正朝條。狼用以誓眾。而茲之求富而為者。吾固異於朝士之紀矣。世無妄生慾心也。苟其可俸。吾亦早為之耳。傳巖之版築也。朝歌之屠牛也。古人徵賤之中。夫亦何所不為哉。有不肯不為者。全身混跡。而處賤以溷名者。有之。然而抱關之吏。固異執鞭之士也。夫官府假以用刑。先驅持以趨辟。而茲之求富而為者。固僅等拍皂隸之餘耳。世何甘心賤役也。苟其有得。吾亦試為之矣。百里之為媵也。夷吾之學賈也。彼其汙辱之行。夫又何以為哉。噫。為之有得。吾亦寧辭其况。痛為之無益。吾固自厭其徒勞。

知不可求則從吾所好而已矣

賦得水中雁字 得虛字五言八韻

秋雁排行過參差字蹟疎飛由天際迴影落水中虛萍泛
蜘蛛驚橫亂魚浪來文乍滅波靜跡還舒鐵畫非鐫榜銀
鈞欲謾漁映池疑草墨遵渚見雲書匹練真堪寫輕帆亦可
儲西風回筆陣明晰在清渠

掩抑有情宛合語氣

得解

扶出題根筆鋒
犀利

巫馬期以告

事有兩疑不得不以告矣夫夫子之答必有故也司敗之詰不為
非也事有兩疑期也安得不以告哉且君父之大禮教之重此其
間原無不可告人者惟是議禮之餘兩有所據既不可因師以議
人之非尤不得因人而議師之失或謂可以已意參之殊不知議
人則害理議師則傷道俱為失禮之大者所以賢者於此不敢以
意斷之而第以言述之也如司敗問昭公知禮孔子既以知禮會
之而司敗遂以取吳一事詰巫馬期矣君子不黨君子亦黨是隱
隱誹議孔子也然而師則何可非也君而知禮孰不知禮是明明

此立作主峯

迴環駁詰得繫

鈴解鈴之妙

刺入

指斥昭公也。然而禮固不可廢也。維時期幾無以奮之矣。而竟以告者何屈。蓋守經執義當辨本末之施而不可言者在君由之。致信質疑當辨是非之案而不可論者在師弟之交。將謂司敗之言悞乎。娶同姓為知禮則已先害禮。其何以詰司敗也。既不能詰司敗之非。又不得指知子之非以謝諸司。則則難為置辨。計惟有述其辭以告而已。將謂夫子之言當乎。稱孟子為知禮則已實失禮。其何以全夫子也。既不能全夫子之是。更不可言司敗之是。以形我夫子則難為曲護。計惟有致其意以告而已。且夫期豈無為而告者哉。其在司敗援不黨之說以難聖人。直有辨之不得者司

更刺入一層

對尤妙逼下吏

緊

敗之心。期未必知之也。即使知之。究不得取一時之給。以強誣秉禮之談。且使司敗仍有辭於夫子也。惟以告焉。俾夫子自答之。而吾責謝矣。其在夫子存相隱之懷。以奮司敗。固有所不得者。夫子之衷。期未必諒之也。抑使諒之。亦不得解尚口之窮。而直陳尊君之義。且使夫子終有愧於司敗也。惟以告焉。俾夫子自解之。而吾意伸矣。是非有所激而告也。期固深服司敗之言。第不肯隨聲和附。而以一告謝。司敗之所以進之也。亦非有所疑而告也。期殆陰識吾子之意。第不欲更端辨難。而以一告觀夫子之何以處之也。惟然而夫子不得不自引其過矣。

撤去常解

願上一層

起下一層

賦得王言如絲得絲字五言八韻

王言昭煥號播告大哉辭秩秩音如玉條條理似絲龍鱗裁

錦軸鳳綵捧綉惟太素寧繁縟宏綱永繫維十行麻初寫五

色縹囊披黃絹休誇絕青紉自有儀書紳常用戒挾纊更相

遺矧聽

綸音下尤深願望思

過峽題不得呆衍奉位文跟上兩層來
脉層、詰駁以隱起下文聖人受過地步
辭意清快絕倫

必使反之

維揚舟中閱

聖人取善於歌可即使反以觀焉夫歌亦何必使之反也然一聞
其善夫子必使反矣其取善之心不可見哉今夫人乍見一善而
漫曰吾已知之其心亦太疎矣蓋理不細繹不能契其微也道不
推詳不能察其精也苟欲究其原委則必審之又審斯其精微可
以畢見爾如子與人歌亦其常也而其中乃有善在焉夫反魯之
後雅頌既得其而美豈其猶有善焉是當細玩者乎而夫子之心
方以為必當細玩者也抑師摯之師始關睢圖盈於耳矣豈其猶
有善焉必待詳觀者乎而夫子之意且以為必待詳觀者也則見

以下生面獨開

其反之矣。反之在人而使之反者，則夫子也。人或以為偶使之反，而夫子則必使反之者也。歌合於律，反之乃可以詳其律。陰聲陽聲，典同所掌者，必使之曲盡其妙，則聽其高而知不失之，聽其下而知不失之。肆所謂倨中矩，句中鉤，非審律者不能默識其節。奏也，反之所以審其律也。歌達其情，反之尤有以暢其情。如怨如慕，知音所賞者，必使之盡寫其神，則樂心感而不嫌其為淫，衷心感而不嫌其為傷。所謂宜歌商，宜歌齊，非合情者不能深契其衷。懷也，反之所以合其情也。且春秋賢士大夫，其與人歌而不使反者，多矣。季札觀上國之風，趙孟聽鄭卿之賦，雖詳知其義，究未嘗

層、視貼乃見情文相生之妙

筆有遠神

對義俱極穩稱

反以相求耳。吾觀歛幽而或以雅名歛幽而或以頌名。此固變其節以合之也。今之反求於人者，不必變其節而循環不已。善乃志暢其機矣。由斯道也，朱絃疏越，玉磬依聲，一唱三歎之際，其尚有遺音哉。戒吠厖而詠常棣，譽嘉樹而頌甘棠，雖實獲我心，亦未嘗反而相叩耳。吾觀工歌鹿鳴之三，笙奏南陔之三，此皆按其譜以繼之也。今之反叩於人者，亦若按其譜而雍容不迫，善更深洽於心矣。得其意也，止如橐木端如貫珠，一彈再鼓之餘，庶幾無倦聽哉。抑是嘆夫子之能擇善不以己意參之，而愈求其密，已足見聞善則拜之風，抑見夫子之不掩善不以小節忽之，而益致其精。

自可徵取善於人之量何也反之以為和之地所以必先使也
二歌如是其他可知矣後幅善用書卷波瀾層疊斐然可觀

賦得黃流在中得中字五言八韻

鬱鬱何由薦芬芳玉璣中黃流君子象寶器聖王崇元酒尊
應別金壘酌詎同包茅先取縮明水莫疑空青飾光相映朱
涵色更融香浮煎秬黑灌徹燐蕭紅蘊美文還見舍章氣自

通雅歌欽

帝德帝祿降無窮

則可謂云爾已矣公西華曰正唯弟子維揚舟中閱

聖人自居於為誨賢者還念夫弟子焉夫所謂可者非聖仁之云
而為誨之云也乃公西華遂念及弟子矣亦善體聖言者哉且聖
人無自矜之念而吾人有自省之心其機固相待也故降格以求
善難安於所造而聞言有悟遂還證於當躬此其意在夫子曲傳
之在門人默會之矣如為不厭誨不倦豈聖仁之云哉夫子無行
不與無隱乎爾其為也惟弟子見之其誨也惟弟子受之今之所
謂殆可與諸弟子共喻之也唯然而夫子之意彌謙矣能為能誨
亦盡人可以踐之而子若曰高深之域每難臻切近之圖或易致

扣題緊

解

吾欲云云。庶幾默以自證。已知不厭不倦。必盡心乃可副之。而子
若曰。純全之詣。常恐踈。勉之功。固敢忽。聊復爾爾。猶難據以自
安已矣。且夫不厭不倦之境。豈易云者哉。蓋在夫子。就人之所推
而高卑。揆其位置。所謂不厭不倦。匪曰仁聖也。以天德之渾全。自
托於人功之奮勉。以為吾第守其卑者。思之未可謂甚高也。而謙
退為懷。不禁曲達於言辭之表。而在門人。審己之所處。而淺深微
以相參。所謂不厭不倦。即其仁聖也。以共赴之脩途。已足見獨臻
之至詣。以為此雖舉其淺者。繹之亦可謂至深也。而依歸有素。還
當反觀於函丈之旁。維時公西華聞之。不覺振振有詞也。蓋於是

見夫子之心純矣。為之誨之之時。苟非究心于所云。其能不厭倦
乎。正唯心徹其精微。乃有此精微之謂也。而弟子之資稟何如者。
又於是知夫子之力全矣。勤為勤誨之時。苟非得力於所云。其能
不厭倦乎。正唯力臻於篤實。乃有此篤實之謂也。而弟子之造詣
何如者。然則夫子之不厭倦。正其聖仁也。公西華所為驗之于弟
子。却蓋夫子方自求。勉之功。故為誨。尚微其易。而公西華已動
反躬之念。故不厭倦。愈覺其難。迨實指其不能學。而為誨。即可以
謂聖仁矣。

扣題處尚見清醒

賦得車在馬前得前字五言八韻

車進原隨馬如何反在前攻駒應頤後導路乃當先聲控知
無礙經環識有緣三驅方學步四物誦齊肩莫慮牽羊觸寧
同脫免旋兩驂添雁侶六盤益琴弦不用輕施鞞休教驟着
鞭循途從此熟善學禮經傳
細意熨貼

(Faint background text, likely bleed-through from the reverse side of the page)

○ 魏魏乎舜禹之有天下也

鑄題有力妙不
溢下

稱二聖之魏魏可即徵之有天下焉夫舜禹之德固魏魏矣乃其
有天下又何如也不可即此以徵之哉且夫人天質之美者一旦
居於高位未有不重其所有者矣蓋性雖醇而功名之相乘者衆
也量雖宏而富貴之相試者多也惟聖人性情度量俱處窮絕之
地而功名富貴乃可以卒然拔之故聖德之崇可仍即所有者以
驗之爾今試思三代以上五帝以來有天下者不乏今主也求其
性情處於至高度量極乎至大者其惟舜禹乎世徒觀洪水之平
而稱其功觀中天之運而稱其治抑知功不自舜禹始創也治不

改作二小以換出魏
魏首句方不脫畧

用轉筆支離不達
不以刪去徑用直接

翻筆英鷲

且承文武聖神而起
獨舜禹為然也蓋其德固
有莫與京者乎魏魏乎
雖然德苟甚崇而無以擬
之恐其不顯也德已至極
而有以形之所以愈彰也
試觀崇高莫大於富貴然孰
過於有天下乎且孰過於舜
禹之有天下乎何也舜禹固
匹夫而有天下者也前乎此
而有天下者如瞽瞍氏以龍
紉炎帝氏以火紉黃帝氏以
雲紉聖王受命莫不有天眷
之祥而未有如舜禹之奇者
也五典克從雷雨弗迷於大
麓九疇既錫平成告績於元
吉是豈預賦其有哉天命之
美彼夫赤烏流火之符羣臣
拜手而頌之史官珥筆而書
之播壇墀而示子孫以為天
心攸屬我邦家所為長設其
祥者也况乎舜禹之有天下
實

天與之以景運也後乎此而
有天下者如商周之有天下
者如湯日侯予之有天下者
如武日侯我周玉聖主開基
莫不有人心之附而未有如
舜禹之異者也一年成聚從
之服畝之中八載告功屬之
罪人之子是豈自求其有哉
人服之矣彼夫簞食壺漿之
事朝廷嘉獎而宣之閭巷歡
忻而達之告四方而垂萬世
以為民望攸歸我國家所為
其命維新者也况乎舜禹之
有天下固民歸之於側微也
富貴豈無俸致而人所共推
者恒在成功之後誠以有之
不為過分也試觀三十登庸
職稱而後受終文祖九州永
奠功成而後受命神宗何勤
勞之若是乎二十八載十有
七事功豈不巨則此日之所
有

反掉亦警妙
依起下

乃自閱歷中來也。不然帝嘗則孫繼祖矣。帝克則弟代兄矣。乃積久而始克。屈攝豈不難哉。尊榮豈不可期。而人所共驚者。恒在意外之遭。誠以有之。出於不料也。試觀汝陟帝位。升聞忽協重華。汝摠朕師。祇承獨敷文命。何顯榮之如斯。抑朱則為賓。均則為客。遇亦何常。則此日之所有。乃非意計所及也。不然四岳亦能庸命。知臯陶亦邁種德矣。乃交咨而遂登大寶。豈不易哉。如是而不與焉。其真巍巍乎。

筆陣縱橫詞條豈足以尉有沛宇莫
御示之勢

謂門弟子曰

聖人將有以示門人。因即所聞以謂之焉。夫門弟子於達巷黨人之言。亦既共聞之矣。乃夫子必有以謂之。非將以示戒勉之意哉。且聖人有門弟子。平日進而謂之者。詳矣。蓋夫子之所以為教。原不在人。所震驚之處。而門弟子之所以為學。則多在人所推重之端。故遺其心體。而得其藝能。他人所共見者。皆門弟子所勇為者也。夫子憂之。乃即聲譽之來。以示戒勉之意。說在聞達巷黨人博學無成名之言。而特有以謂之焉。何則。聖門弟子。身通六藝者。七十有二人。皆以夫子為多學而識之者也。惟其以夫子為多學。則

四以皆先叙子、
皆次入門弟子、
列而弟子各次、
然謂字似亦未
極

必指此而致其加也。以此而受其病。往往驚外而不備內。勤事而不專心。其於達巷黨人之言。必且以為知孔子。而必當學之者也。夫子知之。而因有以謂之。豈無意於其間乎。且夫達巷黨人之所謂博學者何哉。一則徵其博文。夫問禮老聃。問官知子。既素熟禮經。詢樂萇。宏學琴師襄。又兼明夫樂律。此非門弟子所習見者乎。推其好古之勤。見金人則誌三緘。問虞夏則辨一足。何其無所不詳也。是以學其博文者。商也。言詩也。習禮也。知博而不知約者多矣。夫子借黨人之說。而謂之。俾知博文之不可自恃焉耳。再則徵其博物。夫商羊舞殿。萍實觸舟。占驗徵於謠俗。大骨專車。桔矢

貫隼。致叢稽之史書。是非門弟子所熟知者乎。推其察物之神。穿井則知土怪。為墳羊入館。則辨皂衣為大鯢。何其無所不燭也。是以學其博物者。回知馬逸。參感狸殘。能博而不能專者。衆矣。夫子因黨人之言。而謂之。俾知博物之不可自矜焉耳。人第見委吏有司。而不以數名。乘田有職。而不以牧名。辟萊兵戮。侏儒。而不以勇名。抑知夫子之才。惟德以運之。乃能無所成名如此也。而問弟子則學其才。而未知所以用才。知求之藝也。由之勇也。非以一謂抑其馳騫之見。何以使之據於德哉。人第見弋鳥嘗為。而不以弋名。釣魚曾習。而不以釣名。勇復孟諸。足蹠狄兔。而不以力名。抑知夫

子之技。惟道以該之。乃能無所成名如是也。而門弟子則學其技。而未審所以藏技。知賜之言能也。字之言藝也。非以一謂道。具鞭辟之功。何以使之進於道哉。然則此一謂也。既可作自警之箴。亦可作相規之論。一堂戒勉之意。盡寓於其間矣。向使存之心而不宣之口。彼門弟子者。孰知博學之不如執也哉。

賦得曉窓分與讀書燈。得燈分字五言八韻。

試看新火好。繼晷自宜焚。窓外人來乞。燈前我獨分。移光憐束縵。搖影惜添紋。達旦因稽古。通宵為校文。然藜方得借。鑿壁不須勤。一可催詩速。三條待曙餘。稱情詎容相照意。同

欣轉瞬鄰家去。銀缸色尚薰。

此文立意精卓。迥初富麗。桂林心抄。至第後。比上半皆似博學。其計成名。又下半。又是一節。豈斷制。謗尚有可酌耳。又如并斥類。曾為博而不專。時文雖不過優。孟亦冠抑。謗有之。粧龍像龍。此等處。亦須有分寸也。

世譽桂林桂樹

領脉清晰

君子多乎哉

邵伯球舟中閱

欲以多能槩君子者。若有不容遽決者焉。夫君子非僅多能也。夫子既以多能自處。而轉念夫君子其能遽決之歟。若曰。今之推重君子者。謂其博聞強識。大抵以多為貴耳。如果以多為貴也。則誦詩讀書不必折衷。博學詳說不必反約。無取乎少也。惟取乎其多也。如是而君子之所以為君子者。吾幾無以相信矣。如我之多能。固鄙事耳。其遂足以為訓哉。維太宰或據事言之。而推聖于多能。抑知聖自有其德。多能豈其急務乎。則合多能于聖者。夫固重視乎。其知也。乃賜也。又加意言之。而別聖於多能。抑知聖既有其學。

[Faint background text in a grid format, likely bleed-through from the reverse side of the page.]

合蓄有味

多能不已兼綜乎則雖多能于聖者亦非忽視乎其多也我不敢
言聖請以學聖之君子言之君子其果多乎哉天下之材技惟君
子能盡之耕漁卜筮之流雖小道尚有可觀君子固未嘗病其多
也殆有統貫之者矣其本植而名以成其道大而業以著如曰君
子之相見以多而始盡也有是哉君子乃以務博為全功哉千古
之名物惟君子能通之山經海誌之書雖荒遠亦可周知君子又
未嘗侈其多也殆有神助之者矣文可博而力餘于知物可博而
識餘於物如曰君子之智必待多能而後通也有是哉君子乃以
好古為絕詣哉吾見夫鄉曲之儒識見拘墟不足徵也乃列聘侯

辭意開展

邦如吳札衛瑗之儔亦豈以多聞多見為能乎誠思易以一畫開
其原而六十四卦之義即變化而不出于範圍焉如也以多自神
則是擇著濶策之流亦將共附于君子之林也我且無以相信矣
吾見輒近之士耳目狹陋未足據也乃曠覽前代歷虞夏商周之
世亦豈以多材多藝為能乎誠觀天以北辰居其所而三百六十
之躔即參差而莫離乎次舍焉如也以多相炫則是宣夜周髀之
術亦將共登于君子之堂也吾更因以滋惑矣蓋多能非可自滿
當進思夫大德不官大道不器之規而君子自有實修寧藉口於
兵刑不知錢穀不知之輩果多乎哉殆不多也賜也應知以聖為

多之未善。太宰亦當悟以多為聖為多之已過矣。

辭氣蘊藉宛合題情

豈不爾思

紗帽洲舫中閑

有自解其不思者。詩人之飾詞也。夫已實有思。誰復謂其不思者。乃詩人必自明之。何其善為飾詞哉。意若曰。天下惟忘情者為無思耳。而出於深摯者。哀衷懷。則合而致其歡者。亦別而致其慨也。乃或身既不接。心自難通。而因謂予不思。噫。彼先未察其形。而遽沒其理。得毋已實不思。而反以之。廣人也。耶。如唐棣之華。有偏反之狀。噫。華固無思者也。華無思。而若有思。寧人有思。而反無思。予蓋不能忘情于爾矣。聯同氣之親。而興歌鄂。爾不能若是。常聚也。素托知己之交。思有相違之迹。則以一展其意。而不啻為遺。

口角尖利

於清不思一層方
能析出豈字

二此純以頓挫見
筆情

豆之儂欣兩美之合而載詠彼穠爾不能若是常觀也慨別離之
已久悵情意之方殷則於一思寫其懷而不啻為瑟琴之鼓爾非
吾所思者耶乃爾且曰悲莫甚于生別離子於有歎何以不問嗣
音也殆其不思而人且曰愁必生于常相憶蔓草有懷何以未逢
適願也殆不不思雖然予豈不思者哉思生于心而虛身未接而
思已通之惟其心之運於虛也子果無心哉予而有心與爾已深
結於心許之際矣乃以阻吾思而遂謂不思爾雖不知予何妨稍
為見諒也謂予思而不遂則可耳若因吾身之不接而并沒吾思
也予豈無心者思感於情而變形雖隔而思能達之惟其情之參

隱含室字而仍
不犯手

以變也子果無情哉予而有情與爾早默會于情來之候矣乃以
拘吾思而即謂吾不思爾或不思予何竟忍以相料也謂予思而
不見則可耳苟因吾形之尚隔而遽掩吾思也予豈無情者以吾
意中之人或不止於爾而思之所屬則非爾莫與也夫聲氣之通
有錫以百朋者矣有貽以一束者矣往來者尚不廢思而况吾之
於爾乎邱中之麻麥也阪上之茹蕙也彼其托比興夫豈不用婉
轉之思哉即爾平昔之交亦不僅有我而思之最深則惟我所獨
也夫情懷之感有投以桃李者矣有報以瓊玖者矣贈荅者尚必
有思而况吾之於爾乎秋水之溯洄也南山之蒼蔚也彼其取諸

景物被其夫。豈不瀟深長之思哉。蓋兩心素合。故不思而不能而。兩地難通。故雖思而終隔。豈不爾思室是遠而。

賦得偏其反而得而字五言八韻

唐棣華何感。詩人興每移。乍偏如欲合。徐反又將離。弱蒂隨風轉。新葩帶雨欹。淡雲遮半面。落月寫幽姿。薛薛聯羣鄂。裳裳艷別麤。愁懷人愁已矣。俟我數乎而。此際空來看。誰憐有所思。路遙終不見。聊復折瓊枝。

善用頓跌之筆。故能曲取題神。其情致纏綿。亦得風人之意。

8 紅紫

間色之非正也。人所易溺者矣。夫紅紫間色非正。而易以溺人者。也。鄉黨故特書之。且易著南離之象。傳詳北陸之文。久矣。夫朱與黑之可貴也。乃有異色焉。混正色之真。迴異五采之備。而成緇合兩色之迹。且殊六色之間。而成章。彼其近朱而戾朱。變黑而奪黑者。求合於人情。而不知己顯悖於正道也。君子不以紺緞飾。固已吾聞君子之初辨事為。如其次辨色。南方之色有朱。自八月載績以來。我朱孔陽。以供公子。邠風咏之。以為非是。莫與章也。北方之色為黑。自仲秋獻裘。而後大黑之裘。以祀昊天。周禮詳之。以為舍

雅鍊

點次箇淨

烘襯有邑

是不為貴也。此正色也。而乃有色焉。為離明之火。反雜以兌說之。金其色繁何。曰惟紅是抑。且有色焉。以水潤之。幽忽變為火炎之。顯此何色也。曰惟紫是。攷鍾氏所司。朱湛丹秣。染事基焉。試觀青與赤為文。赤與白為章。列朱寧無次第。乃自紅之色。彰而新可易。故矣。疑於赤帶較之。靛而猶殊。擬之素絲。復與縞而有異。彼再染為赭。三染為纁。近於紅者亦多。而紅則尤鮮妍可愛也。都茅蒐之所漬。恐及勝渥丹之飾。已稽慌氏所治。沈水溫絲。凍時審焉。試觀白與黑謂之黼。黑與青謂之黻。布色各有區分。乃自紫之色顯而淡不勝濃矣。元冠有綬。魯君因茲變禮。狐裘可褻。衛豎用是僭儀。

對勝說得有
關係

彼五入為緋。七入為緹。近乎紫者不少。而紫則尤禮艷可喜也。覽藐此之所濡。恐更勝。繼布之文。已若是者。其滿人也深。其博正也。大南方之間色。有絳有瑞。非不新奇。北方之間色。有駢有菡。亦為華美。乃不意紅紫出而奪其餘也。彼綠衣曾嗟於女。洵綦中亦咏夫我負。而茲之紅紫則設色更新矣。日月山龍。曾為畫繪。蒸火粉米亦著。繡裳茲不幾與之混也哉。我周尚赤。雖夏黑。脫白尚難與齊。吉事尚元。即凶素。蠟黃亦豈可亂。乃不意紅紫勝而掩其上也。彼采綠則盈夫一。采藍則盈夫一。檐而茲之紅紫則染人愈巧矣。坤之黃也。舍章著美。賁之白也。束帛可尊。茲不幾與之奈也哉。

二者既易溺人尤易亂正夫子雖褻服不為蓋以辨色也記者於
是乎書 烘襯煊染妙有書卷之澤

賦得文以意為車 得樞字五言八韻

自古文行遠皆緣意作樞試看車以載乃使物堪輸金玉標
精選風雲聘坦途名賢先路導大雅待輪扶警策施由御周
行亦有模指南心不惑同軌法無渝筆或能扛鼎船還想得

珠賡颺逢

聖治。遵道任馳驅

齊必變食

記齊之變食舉盛禮也夫齊食何以變為齊故也殺牲盛饌以養

其身不有賴於盛禮之舉乎嘗攷周官膳夫掌王之膳蓋王日一

舉而齊日則三舉明乎禮之獨變也蓋禮以少為貴者則變而主

其減而禮以多為貴者則變而主其盈齊日之舉所為以變焉者

昭其敬也故自天子行之而臣下因敢違焉如鄉黨所紀夫子齊

必變食是已吾夫子為魯司寇大夫也聞之禮大夫無秩膳又曰

大夫燕食有膾無脯有脯無膾皆所以明有節雖子為國老而異

稯宿肉以外亦不敢有加焉茲何為為於齊而獨變之哉蓋進食

周官新義

先王之制為
祀必以已之精
神徹於山川
祇具文而已
復名之義
以此文發揮
精遠立補
禮經之闕

徹食之餘品。味有恒固。以不變者。守拂經之戒。而散齊致齋之際。膳膏特異。尤以必變者。垂養正之方。是故殺牲盛饌。以昭大禮。齊必變食。其義有深焉。者何則。食以平其心。而變食則尤有以養其心。醢醢鹽梅。宰夫之所和者。特豐其物。則養吾心之和。而後致愛。則存養吾之心之敬。而後致慈。則著所為思。其居處思其笑語。非心之精者。不能也。變食所以致其心之精也。食以行其氣。而變食則尤有以養其氣。鄉腥羶庖人之所治者。特厚其味。則養吾之陽氣。而後臭陽達於墻屋。養吾之陰氣。而後臭陰達於淵泉。所為優然。有見愉然。有聞非氣之盛者。不能也。變食所以致其氣之盛。

馬鄭注經
或則或補
皆有神此
教此文云

也。且夫變食之禮。視祀典則有殺視常膳則有加。一徵諸楚書之紀。馬君祀以大牢。而舉以特牛。鄉祀以特牛。而舉以少牢。由是推之。大夫祭用少牢。則齊用特牲可知也。祀隆於舉。所以盡仁孝之心。舉損於祀。所以別幽明之義。一徵諸玉藻之文。焉。天子曰少牢。而朔月大牢。諸侯曰特牲。而朔月少牢。由是推之。大夫常食脯膾。則變食特牲可知也。以天臨人。故聽朔必重其儀。以人格神。故臨祭必備其物。乃說者謂齊不飲酒。不茹葷。夫齊必沐浴。沐浴必進。

有葷與桃

大夫去也。膳於大夫。有葷與蘋。此不可為變食也。惟當齊之時。絕肺以祭。重特殺也。解體以升。示專饗也。飯則簋簋加。二羞則豆。蔓。

先王之制為
祀必以已之
神徹於山川
祇具文而已
言名之義
以此文發揮
終遠立補
禮經之闕

馬鄭注經
或刪或補
皆有裨此
教此文云

徹食之餘品。味有恒固。以不變者。守拂經之戒。而散齊致齋之際。膳膏特異。尤以必變者。垂養正之方。是故殺牲盛饌。以昭大禮。齊必變食。其義有深焉。者何則。食以平其心。而變食則尤有以養其心。醢醢鹽梅。宰夫之所和者。特豐其物。則養吾心之利。而後致愛。則存養吾之心之敬。而後致慈。則著所為思。其居處思其笑語。非心之精者。不能也。變食所以致其心之精也。食以行其氣。而變食則尤有以養其氣。鄉腥羶庖人之所治者。特厚其味。則養吾之陽氣。而後臭陽達於墻屋。養吾之陰氣。而後臭陰達於淵泉。所為優然。有見愉然。有聞非氣之盛者。不能也。變食所以致其氣之盛。

也。且夫變食之禮。視祀典則有殺視常膳。則有加。一徵諸楚書之紀。馬君祀以大牢。而舉以特牛。鄉祀以特牛。而舉以少牢。由是推之。大夫祭用少牢。則齊用特牲。可知也。祀隆於舉。所以盡仁孝之心。舉損於祀。所以別幽明之義。一徵諸玉藻之文。馬天子曰。少牢而朔月。大牢諸侯。日特牲。而朔月少牢。由是推之。大夫常食脯膾。則變食特牲。可知也。以天臨人。故聽朔必重其儀。以人格神。故臨祭必備其物。乃說者謂齊不飲酒。不茹葷。夫齊必沐浴。沐浴必進。機進飲。且膳於大夫。有葷與茹。此不可為變食也。惟當齊之時。絕肺以祭。重特殺也。解體以升。示專饗也。飯則簋簋加。二羞則豆。簋。

自來响

益四蓋將實其志氣以交乎神明不可不有以養其身也否則質
明行事晏朝而退酒清人渴而不敢飲也肉乾人飢而不敢食也
雖有強力之容肅敬之心皆倦怠矣然則饗食之禮其可少乎哉

扶經之心執聖之權必字之義乃

見精確 周山後

瓜祭

果實有瓜可與熟食並祭焉夫瓜非熟食似可不祭矣然必與蔬
食菜羹並列殆亦有報本之思耶嘗讀禮曰瓜祭上環明乎食瓜
之亦必祭先也第食有果實火熟之分則祭亦當有果實火熟之
別乃吾聞食果實者後君子火熟者先君子而祭之先後則無聞
焉是知瓜之與蔬食菜羹其當祭之義維均也或謂食雖蔬粒食
也必有先農之神宜報其秦庶艱食之功若瓜則不同稼穡也
雖不祭亦何傷羹雖菜熟食也必有先炊之神宜報其順時行火
之績若瓜則不待燔炮也雖不祭亦何害乃亦與蔬食

果實與火熟
並列乎出
瓜祭

新有二義
物有佐佐
新以五
有之蓋行
重道內

菜蕡並祭者何也。瓜之為物也。取乎新。瓜之紹爾雅詳之。其物第繼先歲之緒耳。要非所論。於五月乃瓜也。我觀詔農登黍之時。羞以合桃果之先熟者。尚可薦于寢廟。寧謂瓜之杞包有隕而不以祭乎。雖副之華之。夫子不容僭其禮。而臚諸籩實。有較異於天瓜之類者。是可以其新而祭之也。詩所為咏絲絲之瓜。饒而推本於民之初生者。明乎其得天氣之最先也。瓜之為味也。取乎甘。玉瓜之生。月令紀之。其味尚感火行之苦耳。要非所論。于八月剥瓜也。我觀微野取茶之候。圃有見杏果之珍異者。尚可用之。加豆寧謂瓜之在粟有敷。而不以祭乎。雖中締中緜。夫子不敢越其儀。而

采諸場人。有特別于土瓜之種者。是可取其甘而祭之也。詩所為歌。嗶嗶之瓜。饒而溯原於有相之道者。明乎其得土性之正中也。且夫祭之與食。羹同者。其禮也。而祭之與食。羹異者。其物也。春秋冬夏之時。食各有主。而瓜獨不與焉。何以與食並祭乎。蓋食以每飯不忘。而瓜以因時必薦。為念糲十稗九之供。尚有所釋蒸之。而七月食瓜。乃與白黍黃梁俱進。此不啻以黍雪桃之意也。夫子以反始之義祭之。可以補內則之遺矣。金木水火之行。羹各有配。而瓜亦不與焉。何以與羹並祭乎。蓋羹以居右為宜。而瓜以食中為美。為念采藻采蘋之潔。尚有所藉于錡釜之湘。而疆場有瓜。乃

與昌本深蒲同薦。此不第和羹用梅之法也。夫子以從朔之義祭之，可以詳小正之畧矣。蓋君子不以美沒禮，故瓜與食羹並列，而自無異大君命祭，大賓衍祭之文，而君子不以菲廢禮，故瓜與蔬菜同陳，而更無殊祭為少，施祭為漁人之敬。觀于祭必齊，如而夫子不忘本之意可見矣。
此乃上意，非徒聖人之禮，禮亦必齊。

賦得月離于畢

得占字五言韻，他人不好也，乃余一解。

且夫星月原同氣，交輝象可占。離從天畢著，道為雨師淹。風起金方肅，雲來水色添。有拂掩兔主，自驚蟾已過。旄頭見寧移，甯口潛光華。如鏡滿芒角，似尖馮相休。觀望元冥已戒。

巖滂沱施

惠澤一夕慰窮櫛

月華分疏合互階典禮弓法

撇筆起脫

渾舉如題

隨視隨撇故
詞不枯而意不
滯具見筆妙
融入處變一層
自不着迹

通篇只選他渾
論後氣

何以閔子騫之孝獨無可證之事哉夫由也負米忘勞參也耘瓜
不怨而以觀聞聞之象孝行終莫可指名是殆以誠格而不以事
著者也孝哉非是人莫與屬也閔子騫也大凡孝子之懷每托咏
歌以自達南陔白華循取職蓼莪蒿蔚歎其勞何以閔子騫之孝
獨無自述之辭哉夫偃也規以敬養商也喻以色難而以觀詩諄
之容孝思終扣嘗表印是殆由性生而不以文見者也孝哉非是
人莫克承也閔子騫也孝為常道而有時出於變者固家庭之不
幸抑知惟其孝也耶勿問其常變也夫履霜有伯奇之操凱風有
七子之歌古有孝而遇變者知若閔子騫之孝初不知其為常為

變也不然德行之科既與顏冉同列學猶如此而况孝友之誼也
哉孝為順德而有時出於逆者尤人子所痛心抑知惟其孝也更
不計其順逆也夫行役有鴛行之嘆懷歸有涉嶠之嗟古有孝而
遭逆者矣若閔子騫之孝已其忘其為順為逆也不然陳蔡之厄
亦經窮餓之災師猶如此而况庭幃之地哉蓋惟其孝行之全故
不必別而指之而統之為孝可也惟其孝心之至故無容泛以求
之而實之為孝可也孝哉閔子騫人言若是豈有間於其父母昆
弟之言哉

賦得鴻漸于逵 得時字五言八韻

易著飛鴻為秋風正及時翱翔非漸陸嘹唳獨凌遠排字來
何迴揮絃送自移天門開蕩蕩雲路繞遲遲燕雀回頭別干
磬振翮離欲冲霄漢遠不羨稻梁飽沙漠寧蕭索關河詎險
巖羽毛原最勁自可用為儀

題句即係人言因圖贊歎並無指
實處寢意斷不容撓入文能還他
渾淪語氣用筆措詞俱極超脫

8 所謂大臣者 紗帽洲夕泊閱

因大臣之名而切指其所謂焉夫大臣之名必有其實以副之也
夫子切指所謂自有異於子然之見耳若曰今之人惡識所謂大
臣哉聲名所施則倚之以為重位望所著則仰之以為隆不知此
不足謂之大臣也惟實足以副名德足以稱位斯可細繹其義而
恍然如見其人矣子問大臣而以由求當之夫亦未思於大臣之
謂耳大臣有大臣之局量急功計利之圖非局量也當其一室嘯
歌宇宙皆歸度內此可謂大臣之局量矣大臣有大臣之學問強
兵足食之謀非學問也當其千秋稽攷古今悉蘊身心此可謂大

議倫都扣入謂
字中故不占實

臣之學問美。是故有其人而無其位。不可謂之大臣也。有其位而無其名。不可謂之大臣也。有其名而無其實。不可謂之大臣也。吾乃迥然於子之所謂大臣者。吾乃恍然於吾之所謂大臣者。開國創業。必有大臣。以翊贊之。四友也。中內外共宣其德。十人則內文武並效其才。或謂開國之勳。實由主上之聖神。不知臣加可襄夫帝力。鴻圖肇造。不可謂非大臣之功也。觀拍商周受命。必先敘夫功宗。則所謂大臣。即如能膺開國之勳者。守成繼緒。必有大臣以靜鎮之。桐宮既宅。伊訓紀事。垂商書洛邑。既營無逸。格於周史。或謂守成之業。必待朝廷之委任。不知臣心可治。夫君心國祚綿延。不

劉切似宣公奏
議

可謂非大臣之德也。觀於嗣主委裘。且聽命於元老。則所謂大臣。自必能當守成之任者。國有世臣。故家貴族。邦人屬望焉。此特有具位而非所謂大臣也。守法度。以致小康。雖世臣可承其之。和綏綸以登。上理非大臣難展。厥敵故昭。寅亮而咨。某臣助變理而咨某臣。謂之大臣。早以致治之任。屬之知禹之平成也。皋之明允也。彼其垂功千古。孰不稔然思之也哉。國有權臣。位高勢重。一國共推焉。此特擅其能而非所謂大臣也。持危於未壞之前。維權臣可。以補救轉殆。於既衰之後。非大臣莫與匡扶。故討不庭而命某臣。誅不軌而委某臣。謂之大臣。早以戡亂之畧。望之矣。方叔之謀猷。

也。召虎之自宣也。彼其立功一時。曷禁慨然慕之也哉。蓋因大臣之名而求其所謂財。循名責實。而大臣不可妄指。因大臣之寔而思其所謂財。以實副名。而大臣不能多得。衷之於道。豈臣所能望哉。

凌雲立論辭意開展

賦得濟川用舟楫

得臣字五言八韻

濟川資利用。舟楫喻賢臣。德以能容大。材緣可使均。一帆行順軌。雙槳指迷津。問渡知無阻。招印喜有因。遠浮雲水面。穩倚木蘭身。岸濶非難涉。波恬自易遵。莫為求樂客。須載釣璣人。聖主需良弼。還看卜渭濱。

則何以哉

聖人詰酬知之具。欲諸賢自決。所以焉。夫酬之知之具。四子自當有所以矣。夫子詰之。殆欲令其自白耶。吾人之經濟。貴乎素裕。雖才有高下。學有淺深。而平居坐誦。莫不運天下於一心。望三代之至治。苟一旦卷遇。有期自不慮挾持之無具矣。即或心有異。而力有不同。政不妨自揣所藏。向長者而一白也。居則曰不我知。而今設有知爾者。夫知非知爾之有所以哉。所以者必本於性情。一偏之材。執而不通。惟從心為治者。有德自必有才也。則吾人之真性情。可以也。所以者必原於學問。一隅之見。拘而難化。惟明體

與下四節意隔
而詞亦庸腐

達用者道統即為治統也則吾人之真學問可以也是所以之必
有也明矣而爾則何所以哉二三子器量攸殊果藝敏達自成有
用之材霸功諒所不屑以也夫吾人不以窮戚為恨而以濟世之
無具為恨所以者大可以挽回天下也所以者小亦可以化治一
方也則懷抱非徒虛願已二三子學養有素成德達材俱有可行
之道治術諒所共願以也夫吾人不利達為心而以蒼生之福
命為心上而所以者必將復於隆古也下而所以者亦將除其積
弊也則經綸匪曰空言已歷覽四方之風氣魯衛過弱而難振齊
晉過強而難久吳楚過悍而難馴於此而欲有以旋轉之所謂不

出戶庭而運天下於掌上者惟賴吾人之才識焉爾當有所以救
世知管晏之勛其可用以從政哉細懷三代之規模極蕩歌而
玉首變黍離作而王亦變匪風思而王風變又變於此而欲有以
挽回之所謂匡居衡泌而追盛世之休風者惟賴吾人之學術焉
爾當有所以復古矣伊呂之經綸其將擇以為治哉此不可不自
審所以也不然以待用之才際能用之會遇見用之人而反無可
用之器不特負人之知抑且負己之學矣

賦得六轡如琴得調字五言六韻

琴控全由轡和柔象自昭如琴心每協似組手原調玉律諧

應合薰風解不翼高山升獨疾流水逐還遙六馬馳忘秣雙

駉舞應鑣

鑾輿臨有度樂御比虞韶

前路平庸後幅乃有警言色

○ 8 司馬牛問君子

紗帽洲夜泊閑

賢者有自危之心而問君子以為法焉蓋司馬牛處人倫之變者也其問君子非欲有所取法耶大凡物不得其平則鳴而處人倫之變者尤切雖然立其準以為法斯履其境而能安彼其中懷拂鬱隱忍難宣而特折衷於往哲誠以處變之方自異處常之道則借以為鏡而吾心從此可證也已吾門有司馬牛者向難之弟也魁為大夫怙寵作亂牛以天倫之感值天性之乖挽回不能鬱邑誰語吾黨悲其志焉乃一日以君子問者何居骨月之親而坐觀其敗世有此忍人乎夫是以引君子以為例而審其所遭死亡之

叙事立案

透者所以向之
詞意俱對針夏
懼

戚而徐待其危吾能為途人乎夫是以援君子以為規而證其所
處蓋牛之問君子非無意也人倫有常亦有變脊令急難每與原
濕之悲葛藟棄親遂致河湑之歎君子而處此自必有術以調之
矣牛獨無意哉夫斯干之式好常昭行葦之几筵無闕豈非君子
可幸之端而處變者不能也以牛當骨即難全之日欲以德化而
不能欲以加押而不可仰天椎心之際直欲拍古君子求處變之
道也已家庭有順亦有逆頰弁興嗟常撫膺於霰集角弓致嘆惟
抱恨於雪消君子而遭此自必用權以濟之知牛能無望哉夫鳴
鳩之無忝何如常棣之孔懷奚啻寧非君子可喜之事而遭逆者

詞意圓惟

不能也以牛居忠孝兩難之會欲保家則悞國欲衛君則傷親滿
泣而道之餘直欲拍昔君子取遭逆之方也已且彛倫惟君子能
盡不必泛引夫常人禦侮為勢所必然睦族為理所固有拍常人
以為証不如特問君子之真而切也彼遭家不造有托諸歌謠以
見意者知惟此一問不依然致珪致邑之心哉變故惟君子克安
無待條陳夫往事大舜則傲弟是諧周公則流言是避據往事以
相質不若第問君子之渾而諒也彼大義滅親有陳其心志以自
免者知惟此一問不依然去宋去齊之意哉迨夫子以不憂不懼
告之牛亦可知君子處變之道矣

對更精密

賦得十月先開嶺上梅得先字五言八韻

嶺上梅何放南方氣已旋時逢陽月候開在早冬前花信驚
空谷春風逗舊年一枝霜月裏數點竹松邊漏洩光傳柳依
稀淡着煙孤標爭絕頂香韻入寒天驛使來非暮騷人探最
先幾回清夢覺惆悵待逋仙

以處寢立論繞能切題用詞都與下
文夏懼對針更為係不妄抒

8 子張問明

賢者心務於外故以明為問焉夫明之真則固有在矣子張之問
殆猶是務外之心哉嘗讀易曰重明以麗乎正麗之為言附也重
之為言續也有所附則明在於中有所續則明可以久此非居敬
窮理者不能聖門高弟有務外者必不屑於卑近則一堂相質其
於重明麗正之旨未知其有合否也如子張問明是已夫子張素
所稱務外者也問達問行馳情於聲譽論人論世騁志于平撫其
為人殆才識有餘而精詳不足者也以明為問果何意歟明之在
己者緝熙之明是也蘊之心而無暗達之性而常昭則明之體也

立論有根柢
開下四比柱意
六甚確當

照遠字

明之在事者。藻鑑之明是也。虛以燭物之情。正以決人之蔽。則明之用也。而子張果何謂哉。明在於中。則外物之紛乘。自微之不燭。如其忽小而務大。求精而得粗。則有飾其外。以為明者矣。子張之意。蓋以廣明。則諸四目不致。精大明照於四方。無容察。而因於高曠者。求之。斯其問明也。殆已非內明之蘊。爾明可以久。則事端之迭至。自無隙之可乘。如其過精而或怠。過銳而或虧。則有爭於暫。以為明者矣。子張之意。蓋以察物不可過苛。當求其大燭。私不可自域。當徹諸遐。而因以疎畧者。用之。斯其問明也。殆又非繼明之義。爾且明以居敬為體者。勝怠以去其昏。勝欲以撤其蔽。則

德簡意該

以德為明中之所以有主也。彼合天下之視聽以為明者。必先決其壅蔽矣。子張之問。其有當於居敬之要哉。抑明以窮理為用者。察事於未至之先。制事於既來之後。則以清為明。操之所以甚。約也。彼燭萬物之情。偽以為明者。必先察於倫物矣。子張之問。其有窺於窮理之方哉。蓋其意將求明於遠也。殆迨夫子以不必求遠之意告之。而子張可悟矣。

賦得信及豚魚 得字五言八韻

至誠昭大信。周易著中孚。豚亦能相感。魚還得共濡。獮牙寧有慮。頰尾不須虞。入並招何待。登舟瑞自符。五紀擒最異。九

麗應殊豈至隨波涉寧因解網通執牢原可用在沼孰為

驅

聖世休徵洽咸欣

德化敷

照下遠字用意故筆自開朗
語無泛設

對曰有政

前幅眼光四
照中何心花
怒向

賢者直以議政對若忘其不當有焉夫季氏之私朝豈當議政者
求乃直以為對非忘其不當有哉且魯政之下逮也季氏竊而有
之矣蓋自季友受費始有竊政之機迨至武子輔成遂有竊政之
勢以及桓康莫之改也其來久矣惟其因循既久人遂忘乎其不
當有而且視以為所固有雖吾黨亦顯推之而不知其為僭焉如
冉子退朝子以何晏為問殆以知其為議政故也吾意冉子於此
必諱言以對曰大夫屬有私圖求特分理家政耳抑或婉辭以對
曰大夫適承君命求偶獲參國政耳乃竟儼然以有政對者何哉

此以重復而之
便於想其字
核去較淨

想其習見夫發號施令之權專有所屬則非獨不議其私而且如
之以為所宜有矣所以恬然於心也抑其孰知夫賞罰予奪之柄
旁無所撓則非惟不懲其失而且重之以為不可不有所以卒然
於也于是遂以對夫子曰有是哉夫子問退朝之晏哉夫晏非
他也蓋以議政也上而統政者有君而承君以專其任者獨不歸
之執政之朝耶下而勤政者有百執事而制百執事以總其權者
獨不屬之聽政之朝耶是大夫之視朝也有政固其常也而求之
在朝也有政亦其分也蓋嘗慨魯之貧寡甚矣收鄆邑而地不廣
治祀田而難未紓政豈易言其有乎乃觀於作邱甲以解兵用田賦

以足食弊則更張之利則叔造之易貧以為富而不憚勤勞此農
政之不虛其所有也裕國足民之術為臣者自必共協其謀而抑
又念魯之衰弱久矣取鄆以報其來侵謀邾以討其不服政殆難
恃其有先乃觀於作三軍以分任舍中軍以盡征審時而改易之
度勢而施行也轉弱以為強而不憂煩擾此軍政之不懈於所有
也交鄰服遠之謀為臣者自當相助為理爾政有大小又殊而統
之於朝則無論其大小而凡一國之政皆有矣大夫獨斷於心眾
宰分承其任理眾政之紛繁其敢有暇自逸以貽棄職之羞政有
緩急之辨而行之於朝則無論其緩急而凡一日之政盡有矣既

陳殷而置輔。自綱舉而目張。治庶政之煩雜。苟非無怠無荒。寧免曠官之誥。雖子為國老。待子而行。倘咨諏所及。在子固不得辭。而間於兩社。為公室輔。惟惟帷幄所參。在求亦不敢避。此退朝之所以晏也。冉子之對如此。噫。政竟為季氏所有哉。惟其竊政已久。習而忘之。故冉求亦不為之諱也。迨夫子反言以折之。而求當知所警矣。

賦得誦詩聞國政

得聞字五言八韻

燕公方受宴。應制有鴻文。細把周詩誦。纔將國政聞。獻陳邪正辨。美刺秀良分。讀雅豐鑄觀。風首汝墳謳。歌情自達比。興

意還殷。不待吹笙補。寧因入樂紛。自能詳得失。可以頌功勳。三百傳能習。持茲報

聖君

領脉清

藏下二面

○

○

人之言曰為君難

刊江舟中閱

言有責難於君者可先徵其說矣夫入言豈獨為君而發而君之
 難為其說可信也夫子故先引之以告定公歟曰君人者慎毋畧
 於一言哉位尊而忘其何以克副權重而忘其何以不移遂有視
 諫諍為常談者矣抑思治安之策宜獻於朝廷而規戒之詞或傳
 諸道路揭單辭以居要不必問其出自何人殊覺其言之有可采
 已如一言興邦固不可幾矣雖然興邦非專賴於君而必首重乎
 君則可幾者未必無一言也臣請為君述之百僚陳戒過之章固
 有各敬爾儀之說未必盡諉其任於君也而即一言以陳善閉邪

領脉清

藏下二面

○

人之言曰為君難

利江舟中說

言有責難於君者可先微具說矣夫入言豈獨為君而發而君之
 難為其說可信也夫子故先引之以告定公歟曰君人者慎毋畧
 於一言哉位尊而忘其何以克副權重而忘其何以不移遂有視
 諫諍為常談者矣抑思治安之策宜獻於朝廷而規戒之詞或傳
 諸道路揭單辭以居要不必問其出自何人殊覺其言之有可采
 已如一言與邦固不可幾矣雖然興邦非專賴於君而必首重乎
 君則可幾者未必無一言也臣請為君述之百僚陳戒過之章固
 有各敬爾儀之說未必盡誣其任於君也而即一言以陳善閉邪

詩云君子如祉亂庶盥已
 並年惟禮可已之此意而
 用者參左傳晏子惟
 禮可以已之信而合
 此專用詩也

語、本活筆
得蹈實翻空

之法

實義者淫空
際翻騰將下句
攝入上句中做
出具見用筆
之靈變

已足揚宸居之寤寐。兆庶多風謠之獻固。有百爾君子之箴。未必
皆歸其責於君也。而即一言以繩愆糾繆。尤能勵黼座之精神。則
嘗聞人之言矣。曰為君難。其言而即出於興邦之人。歟。歷稽典謨
之宏遠。誥誓之精詳。創造守成之際。親試其為之難。而道其甘
苦。以戒後人者。有之。然而史冊不載也。則亦第以人之言德也。
其言而非出於興邦之人。歟。徧咨旅賁。誦訓之職。官師誓御之傳。
朝夕儆戒之餘。實見夫為之難。而動於喟。以警悟人主者。有
之。然而傳紀不詳也。則惟自以人之言著也。從來昇平之世。為之
愈難。則言之愈切。試觀伊之一德。說之典學。且之無逸。否泰相乘

之會。其難在致治者。言之。所以永保天命也。茲既言出於人。未必
有帝。由玉佐之才。而交儆。有誦自寓憂危之深意。從來中興之代。
為之倍難。則言之倍悚。試觀彤日之訓。料民之諫。庭燎之規。剝復
循環之理。其難在救亂者。言之。真以覺悟玉心也。茲既人有是言。
朱必有機。亂反正之能。而開陳有道。已具旋轉之全功。使君而有
感乎人言。自同於瞽獻典史。獻書方將招以韶鐸。使君而不恤於
人言。亦等於工執藝。民傳語容。或詢及芻蕘。噫。克艱之道。必由君以
及臣矣。如知其難也。豈非興邦之一言乎。
賦得焚膏繼晷。得膏字。五言八韻。

暑盡將何繼。焚油合用膏。燈挑心匪懈。燄吐氣逾豪。舉燭書
非誤。然藜照更高。懶魚真可棄。警枕不須搽。鳳腦頻頻灌。虬
胎漸漸熬。擊來休見跡。映處好揮毫。甲煎應添足。薪傳敢憚
勞。待看蓮炬徹。五色耀宮袍。能切膏字故不浮泛。

從人言着眼相題有識運筆有法通體
微實翻空不着一呆鈍語文心靈妙而詞
氣亦華贍可觀

非求益者也

益貴乎求。閔童子之非能也。夫或入疑童子之已益而夫子知其
尚不能求益也。殆有深閔之意與。若曰學者之得益也。必先加
於求。循序以為功。居業以為志。志專而功熟。其效有自然而至者
矣。乃若髫齡幼學。初觀而未習於身。徐察而未篤於心。吾知其未
常用求之之力也。如童子居位並行。而子乃以為已益乎。攷曲禮
之知容止威儀。莫不以敬。諒之益名教。經常之大。皆始於起居出
入之間。故範於身者。既精則汰於心者。自裕。微內則之訓。寢興服
御。要必以德攝之。蓋天經地義之精。即寓於進退周旋之際。故習

為益字探

閔門見山

沈浸題中
字義精切
不浮筆上
挺拔

以此立說方
針對童子
求益不以
非也字並
以解

其文者既熟則資其理者自深此童子之所謂益也而奈何不求之也求不可以踰虛洒埽應對之文躬踐之而意凜之不敢失其尺寸而益乃自在其中若使軼乎範圍則求者已浮而不實求不可以銳進黨序州序之規日有就而月有將不敢期於旦知而益乃由漸而生若使過為盈溢則所求者亦剝而不留今觀童子謂其求益則非也益必見其大而求之者必由小以至大益越小以圖大者根虛而其益難保而積小以高大者本實而其益日增也今之童子嘻嘻而未有閑躊躇而未有知加以耳提面命俾安於總角之婉孌則可知矣非許其能以小學為大學之基也益當速

於精而求之者當自粗以至精蓋離粗以求精者志疏而其益易虧即粗以求精者慮密而其益日固也茲之童子佩觿而能未我知佩鞶而能未我甲加以教之誨之得免於艾蘭之容遂為章矣非嘉其能以有造而列有德之科也請業則起請益則起其益固無方矣然舞勺舞象教之僅習乎容儀而中矩中規求之乃洽乎志氣也童子其果有志乎日邁月征自不虞其馳騫矣非然者耶但執師句似索規我胡為執御以成名哉師氏有教保氏有教其益尤大備矣然三德六藝教之當舉其全而一動一言求之必踐其實也童子其果務學乎積少為多斯不病其浮夸矣非然者會璇從我胡為使

運用生新
但執師句似
取不到題分

此三教

前塵貼執筆以迭侍哉。意風行地上。當思童觀之羞。而山下出泉。宜審童

蒙之義。既非求益。則欲速成矣。吾能不抑而教之哉。

賦得清心聞妙香。得聞字五言一韻。禪房空萬籟。獨有妙香焚。地靜還通氣。心清自可聞。博山看

乍熟金鵲為頻熏。已得元中趣。應離世俗紛。蓮臺生寶篆。銅

鉢轉花紋。梵樂方傳響。天華欲散芬。夜深真寐寤。坐久更氣

氣。老杜留詩在。常思訪大雲。

求益且實際。有分且非字。亦有不利分。今

之寫來定得一個。孔亦益之。童子一切學問。注

後各段。獨其筆端。此為看題。親切。

寔寫精彩
概孝高筆

後各段獨其筆端此為看題親切

在輿 紗帽洲夜泊聞

即所在以為驗。而於輿可見矣。夫輿人所易忽者也。而既已在焉。

不可即所在以驗之哉。且夫言之理。固隨在皆通者也。正無慮

所處之地。易遷耳。蓋事機何定。動固與靜無殊。境遇無加。暫亦與

常不異。勿謂長駕遠馭。自可寓志。騁懷而不即所在以察之。以自

證其所處之有合否也。謹言之功。既於立驗之矣。雖然猶有說

也。立之為容也。蕭山立之儀。巍然不動。自有默會之者耳。若其遇

紛紜之境。何以不異於平時。立之為神也。聚立容之德。淵乎莫知。

自有獨契之獨者耳。苟其當煩擾之時。未免或改乎常度。設也其

自有獨契之獨者耳。苟其當煩擾之時。未免或改乎常度。設也其

詞雅與題不合

在輿乎。輿有其材。行澤反。轉行山仄。轉行地於以無疆也。而茲勿問其材也。第觀其在。則已與立有間也。輿有其制。士乘棧車。民乘後車。行遠於以致亨也。而茲勿問其制也。第觀其在。則已與立有分也。蓋凡機之所觸。動者不知靜者之閑。在輿則為動機矣。逐水曲而舞交衢。動而受之以晉。終震之所以有患也。而豈若立之為機也。靜凡境之所遭。暫者不如常者之安。在輿則為暫境矣。僕授綬而御執策。暫而逆之以旅。无恒之所以難安也。而豈若立之為境也。常而思立有安。而輿無安。觀於人之必瘁。宜凜美車可鑑之箴。立在内而輿在外。苟其牛之不掣。尚繹德車結旌之義。蓋在輿固

詞廊不合

非虛象也。聞之天子之尊。必以德為車。設玉輅可以祀天。金輅可以封國。茲之在也。果有實德之安乎。既非脫輶於輿中。而行道遲遲。終著无尤之吉。賢人之節。必以名為輿。故大車不憂無輶。小車不憂無輶。茲之在也。其有令名之遠乎。既為日閑之輿。衛而行踪落落。更符攸往之吉。此軫方以象地。蓋圓以象天。在之者不必侈言廣大。即此鸞聲。噓已足竦耳聽之精神。轉必有三度。軸必有三理。在之者不必矜言重遠也。即此偉革中冲。更足動目觀之欽仰。則言見其倚於衡。其謹言行之功。又何如也。夫然而可語於行矣。

賦得臨風整線難

得難字五言八韻

七夕針神會。穿時線欲攢。臨風將待整。向月却嫌難。拂袖飄香冷。綵花帶露寒。無言彈指處。有恨上眉端。金剪裁原細。瑞鉤挂轉殘。非關搖玉佩。詎為撲霜紉。卍字何須結。蛛絲早已蟠。鴛鴦如繡出。得巧自爭看。

從在字着想則活。從與字着想則呆。
此題只須用借賓定主法。疏出妙義文。
貪用與字話頭。未免多滯筆。

必先利其器

致利於所用之器者為善事之資也。夫器所以資事也。使其器而不利焉。將何以善其事哉。宜工之必先利之也。夫子謂子貢曰。嘗聞仁之為器重則其所取以為資者固不可不備。尤不可不精。然求其備而不早圖其備。求其精而不早致其精。則其所資猶未得力也。故惟汲汲以致之。俾有所藉以成功。斯其精神有獨赴者矣。子問為仁而吾以工欲善事為喻。夫事必待才為也。為必有其資也。如是則當求其器矣。有器然後可以作事。引繩墨以定其曲直。正規矩以量其方圓。凡可以運其神於始者。莫不由器而起焉。雖

兩比詞竟似未
工微不亦可考

照大夫士

有公輸之巧非器則無施其智要有器然後可以成事切砥以期
其分初琢磨以發其光華凡可以致其力於莫不終者莫不以器
為據焉雖有匠石之技非器則無以擅其能矣如是則器固善事
之資也雖然器非利不可而器不自利非有以利其器焉不可且器不遠利非
薄而無伐削之才芒頓而無斷截之用則其事必不能捷也利其以及於
器者厲其鋒而試之其勢自不容緩矣形鈍而無雕鏤之能材粗而無
馨密之致則其尚有所需也利其器者取其良而用之其情尤不
能待矣然則利其器者固不可不先者也大匠之致器以善其始
也惟取之備者乃能廣用之而多所益當夫取取之會器固有以

照賢者仁者

顯其能而當夫未取之時器自有以蓄其力蓋器之需於我者有
盡而我之需於器者無窮故惟用之廣者必先有以極其備也雖
耳且甚焉安能盡天下之物而致之要必盡吾之加以求初始之
資乃無儲材之不廣爾工師之得器以善其成也惟擇之精者功
能久用之而無所損當夫既擇之頃器固各適其宜而當夫將擇
之初器已獨呈其妙蓋器之待於我者猶踈而我之待於我者自
密故惟用之久者必先有以致其精也雖觀察未周安能盡物用
之良而得之要必專吾之心以莫觀成之益乃無愧於察物之不
精爾吾知器必利而後得於心焉伐木倚斲折薪抱斲循其理而

根株悉見心之所向器必隨之非利何以運其神哉誠欲析其條
理必先及鋒而試其心乃無所阻也倘以事尚未來而不求深入
之資則事至而求亦已晚矣器必利而後應於手焉朽可雕也瑕
可琢也見其疵而繩削以施手之所應動器亦應之非利何以致
其力哉誠欲去其疵累必先摩厲以須其力乃有可憑也倘以事
猶可緩而不致疾斷之能則事來始致必更難矣吁工猶知利器
以善事而况為仁者可不擇友以輔仁哉

賦得拔茅連茹

得連字五言古韻

泰運初來日茅簷進衆賢家如茹欲拔義取秉相連純束心

原固根莖氣自全此句未工一棚新帶雨三脊細翻煙不似飛蓬亂寧

此用管子極工此制亦未分曉

同弱柳牽索綯升野屋縮酌奉神遊蔓草應思過高原竟得
還白雲終化露秋水乍生漣諷為絲麻棄堪居蕙蔭光菁莪

雷

聖澤樂育更無邊

照直道高一層
跌後

二義夾翻出之
於兩字空中立
論識踞題巔

吾之於人也

聖人有慨於世風而以己之待人為衡焉夫子之待人當異於世
之待人也舉已以為衡豈非有慨於世風哉若曰問嘗盱衡郢治
大同昭象吾與人何容心哉天溥無私之化吾與人同愛之玉
尊蹈之文吾與人同體之因物付物必不生爾我之嫌矣乃自世
衰俗薄難以挽回而待人之術起焉吾也撫躬自問猶覺其可以
共證也何則儒者苟存渾同之見而謂天下一家中國一人彼此
之形悉化則是齊物之論非所以和吾心之有主也學者苟挾別
異之懷而謂各親其親各子其子內外之分則學是徇己之私

Vertical text in the right margin, including a large 'U' watermark and faint bleed-through from the reverse side.

語太漏下

辭意太占實

緣貼正而後揮
便似兩句題文

對下節者論便
有關係

意議尤精

北所以昭吾心之無蔽也。今世之待人者不可問矣。吾觀於人其
當還責之吾也。夫人心本至正也。闇昧者以偏奪之。還有各執一
見者矣。夫人方出所能以相示而我以一偏求以是罔之也。人無
妄而我罔之吾能儼以對人耶。試觀無偏陂以制心無反側以制
事。古聖人明目達聰夫固自有精義之學也。吾導其義殊覺吾之
於人猶無愧皇極之蕩平也。已人心本大公也。伎刻者以私亂之
邊有各執一意者矣。夫人方立其品以相質而吾以己私度之是
欺之也。人無偽而我欺之吾豈忍於負人耶。試觀柔中以法同人
剛中以法无妄。古聖人類族辨物夫固自有執中之理也。吾折其

中遂覺吾之於人尚可企泰交之包荒也。曠覽列邦之如有觀
人於言語之間者。知有窺人於舉止之際者矣。此固人之於人也。
人為身家起見其人。就一時而論吾為風俗起見其人。統萬世而
觀此中相接之緣。固另有微意。兼書之吁。弗也。諫之諷誦也。古人
待人之情不禁為之延佇。我周遊列國之間。有謂吾窮年累世者
矣。有謂吾博學多能者矣。此又人之於吾也。人以形迹交於吾求
之。在有為之中。吾以性命乎。抑之在無言之表。此際相通之
故。固獨抱深衷矣。春秋之志也。孝經之行也。吾之待人之懷能不
為之表白哉。蓋古之於人。既不可覩吾乃降而徵之。而今之於人

尤不可言吾更反而驗之斯人即三代直道之民而吾何所毀譽哉

賦得為有源頭活水來得源字五言八韻
詎謂清流水塘中自吐吞可從機活潑還為溯淵源暗穴方
道脉輕波忽透痕無端呈靜幽不竭想真原指點泉飛嶺周
遭澗繞村天光澄碧宇雲影度黃昏莫道行何加由來注有
根儒宗開妙悟川上聖人論

照下直道用意持論精卓但多占
實語尚須化去之

吾猶及史之闕文也

朝有信史聖人追憶之而有感焉夫史有闕文特事之小者耳然
人心之信可見夫子憶其猶及其感慨何如哉若曰天下風俗之
變固非一端而於是非之際尤欲受以謙遜之心蓋不謙遜則必
作聰明以亂舊章混異同而昧古制乃若不挾私以自是而惟據
實以為公固非古人之盛事也而即此可見古人之遺意矣吾乃
不禁撫時而增感焉蓋自浮誕之風起虛冲之德微而吾不及見
遜志之儒知然遜志之儒雖未能得其大端而亦可求其小節則
吾嘗入柱下而猶及見之抑自狂妄之俗成敬謹之心懈而吾不

有識之言

及聞虛衷之士矣。然虛衷之士雖未能窺其全體而尚可指其一
端。則吾嘗遊故府而猶及聞之。若史之闕文非耶。史不可不存疑
是者著為是非者著為非。其文在於筆削者。惟疑存疑而後辨其
是非也。夫甲戌己丑之文何妨。或削其符。特良史不容妄加損益
耳。尹氏之異辭。郭公之佚事。不敢創為新論。則必據其舊聞也。蓋
一苟且而事跡之是非係焉。勿附會以為疑書。勿刪除以為成案。
君臣父子之大節。因闕文而不起其疑。吾所為猶及抱其謹慎之
風也。史不可不傳信。當賞加以賞。當罰加以罰。其文昭於簡冊者
惟傳而後行。其賞罰也。夫夏五春王之文何妨。或補其缺。特良史

精確善以
例以發議
論得未也
有
不肯漫為創造耳。曹殺其大夫。宋殺其大夫。不敢造其所無。則必
因其所有也。蓋一私曲而善惡之賞罰闕焉。勿欺已往。以紊憲章。
勿悞將來。以害心術。會盟侵伐之事。因闕文而益堅其信。吾所
為猶及窺其正直之志也。致太史所掌約齊亂。則有辟然。上之所
以為下者。正之所以杜姦偽之人心。而後之所以為前。者初之所
以聽虛公之輿論。彼史佚史過之。殆必以闕文為定法也。非然
者。官有常職。有專業。胡為一言一事之間。猶及取自古在昔之
義也哉。稽列國所藏記載多則易惑。然目之所親見者。采之物一
百而十國之中。而耳之所習聞者。缺之於二百四十年之內。彼董

狐南史之直殆必以關文為成例也非然者世傳其事家守其書胡為有美有譏之下猶及溯粵若稽古之徽也哉蓋不愆不忘史臣之所以由其蓄也而有典有則史氏之所以據其真也合諸有馬借人可以見古風之猶有存焉者矣

賦得汲古得脩綆得脩字五言八韻

其有三長之而中

好學惟稽古孜孜用力求靜深泉不竭挹注綆還修活潑先探本汪洋復瀉流濫觴原有自濡筆豈無由脉絡循環得縱橫順緒抽絜瓶應共藉井幕欲同收心潔餐須滌神清味尚幽倘蒙恩澤沛受福更優游

○ 民之於仁也

刊 邦 濟舟中 閱

仁與民本一也。就其相繫者而指示之焉。夫仁具於民心。有是民即有是仁也。乃以仁繫之民者。非即其心而指示之哉。夫子蓋為凡民而發也。曰：天賦於人為命。而仁即在命之初。人秉於天為性。而仁已統性之內。是仁固即民而具者也。迨至氣拘物蔽。而仁遂有存亡之迹矣。抑知仁非民不著。民非仁不立。人特未嘗反而自驗之耳。夫仁豈非民之所自有者哉。仁原於道。而繼之者善。成之者性。天予民以是仁。故仁屬於民。而得之最初。統之最全焉。仁體於元。而顯則在事。藏則在心。人得天而有仁。故仁切於民。而居為

以離合絕續二
義做之於三字

安宅尊為天爵焉是民必有仁而後成其為民也則曷弗觀民之
於仁耶蓋嘗驗民於赤子之心襁褓何知而其中則純一而無欺
真誠而不偽雖大人之德若無以加者其仁自合也乃至如壯而
仁遂離矣其合於心者不知盡喪於何時人輒歸咎於心之所本
離抑知有可離者後起之緣而無可離者生初之質也吾從後而
溯其初覺民之於仁其離合之象猶可徵諸赤子之中懷也已又
嘗驗民於平旦之氣枯亡已盡而其時則良心之初復好惡之忽
明雖至人之度若無以過者其仁已續也乃至旦晝而仁仍絕矣
其續於氣者不識頓消於何地人且自解以心之所久絕抑知有

以常復久暫二
義做之於三字

可絕者動則欲消而無可絕者靜則自長也吾從動而想其靜覺
民之於仁其絕續之機更可驗諸平旦之端倪也已且民又有因
變而見其仁者悲感之情隨時而致隣喪不聞春相里殯不聞巷
歌鉅至強暴者當此亦與長厚者同其悽愴觀之於變而仁自若
即觀之於常而仁自若可知也吾願民迫切之間自審之民又有
因暫而露其仁者惻隱之懷觸境而動救孺子之入井食餓者之
蒙袂雖至殘忍者遇此亦與慈良者同其怵惕求之於暫而仁常
存即求之於久而仁常存可知也吾願民於須臾之際自揣之蓋
其初天性尚完人心未肆則民與仁同原觀民者無庸分以相較

而其後根本已傷萌芽未長則仁與民異軌論仁者必須合以相
衡意已之仁孰若外之水火養心之仁孰若養身之水火而奈何
不之思哉 實做之於二字辭意圖徹理虛中有掉臂游行之
賦得野舍時雨潤得舍字五言八韻樂不減嚴君調御發而皆中
好雨乘時降濛濛野外覃如酥窺土脉積潤驗山嵐柳碧煙
重鎖花紅霧薄舍鳩呼深塢北鷗泛小橋南麥浪風猶送秧
針水自涵泱旬常值一周月快逢三稻長應驅犢桑温好養
恩膏露被處共感沐餘甘

吾聞其語矣

揚州郭外舟中閱

求語之該隱見者若慨其僅聞之焉夫古語之可證者多矣乃此
求志達道之語何以僅得聞之耶今夫人載稽古書每得一二奇
節偉功則慨然如親接之蓋有所會於語之中即有所遇於語之
外也乃若諷誦之餘仍多想像則其出其語者實而有可稽而傳
其語者虛而僅足紀已如隱居求志行義達道非猶是古語哉古
者實德實行備於身而後發之推隱居之道揆行義之方豈惟審
厥行藏而後有此反躬之語也古者一話一言徵於遇而後出之
必求於已道必達於人蓋惟任我卷舒而後有相時之語也而

暗以下句跌

今已矣。議論可憑。每切儀型之慕。流傳已久。誰為軌轍之循。吾蓋
僅聞其語矣。太上有立德。其次有立功。古書所載。立世教。作者
非一。而其語未有不相為表裏者。德功無異也。三代以降。不可言
矣。吾觀春秋之紀。或有權而無道焉。或有道而無權焉。又或道與
權合而不能純備焉。二百四十年。迄無主屬而德功之顯。乃獨賴
斯語以傳也。茲非可感者與。契察乎天時。深觀乎人事。古史所記
遭時不同。所行亦異。而其語未嘗不各究本原。若天人有志也。周
衰以來。更難道矣。吾觀列邦之蹟。或有遇而無志焉。或有志而無
遇焉。又或志與遇乘而不能堅久焉。一百二十國。莫由歷相而大

互筆亦有

人之理。乃僅得此語以彰也。茲非可慨者與。有終隱而符其語者。
天造草昧。難施雷雨之經綸。耳苟值夫杰交之會。則鴻漸鶴之
不啻龍飛虎見之由也。既既合用。舍以語之。豈語可聞而究無所
播乎。伊之有訓也。說之有命也。吾知其養之有素。乃抱此宏深之
學。或有常行而合其語者。運際昇平。莫效巢由之高。臨耳苟窺其
心跡之度。純則刻木未為之容。無殊章甫繼掖之度。茲既魚也。享
以語之。豈聞其語而曾無所裨乎。鳳之有歌也。麟之有泣也。吾真
其運之將轉。乃據此曠遠之懷。蓋世哀道微。則名論不刊。故聞
之深為欣幸。然政移俗變。則空言無補。故聞之更覺傷懷。聞其語

而未見其人。世道如此，能不慨然興歎哉！
賦得竹深留客處。得深字五言八韻。
每愛園中竹，周迴庇蔭深。草堂扉自掩，茅舍客還臨。露潔沾
衣影，風清送屐音。拂烟光照筆，環水響和琴。一徑看無碍，三
秋思不禁。苔痕存素跡，鳥語引幽心。倚檻雲疑過，開窓月欲
侵。此君丰度好，杜老共披襟。

有見到處而辭意未能綿密圓湛
前路尤率

8 誠不以富亦祇以異
稱必有以詩言可引矣。夫異與富似皆有可稱也。乃自詩人言之，
則以異不以富矣。不可引之，以為鑒耶。且自俗情以貧富論人，而
名譽之所歸，每視及身以為斷矣。然而斯民直道之公，斷不以一
日之榮枯為厚薄。故富人不能保於百年，異士猶傳於千古。非以豐
嗇別之，乃以賢否衡之也。古人閱世既深，形諸咏歌，固有两言而
決者矣。齊景有馬千駟，非不富也。而民無稱。竟若彼夷齊，餓於首
陽，一何異也。而民稱之。竟若此之二者，自俗情觀之，必驚其相反。
耶。然而有識者固早辨之也。詩不云乎：誠不以富，亦祇以異。富厚

跌醒題中虛字

翻取題中虛字

解

解

足以炫人而一世之雄人尤艷之豈特親戚畏懼哉此似有屋藪
 藪有穀孰不羣羨其顯榮而求富之每由於奪成富之道每
 在於貪則富者方欲誇富於眾而眾偏不稱其富也爾居爾宿之
 餘當有言之齒冷者已畸異何與於人而已往之蹟人尤忽之豈
 必怨仇排議哉人濁我清人醉我醒誰復共欽其風範乎然而異
 之所趨每由齟齬異之所立每在孤高則異者不欲求異於人而
 人偏祇稱其異也采菴采樵之際當有聞之神往者已且夫世道
 世風惟賴民心為之維持也天生豪傑又生庸愚視之當有差別
 矣鄙庸人胥納賢人畢功何至有富與異之競勝然陷溺其心名
 之所由亡困苦其志節之所由厲則以理不以數也富者終為庸
 夫異者特為奇士孰榮孰辱天意若低昂於其間而無端之美利
 遂因之以為低昂爾世重王公亦重賢聖相持迄無有定知為善
 人是齋君子在朝何至有富與異之分著然以財予究不得以名
 予之以貧困之究不得以節困之則以正不以變也富者伸於一
 時異者伸於萬世孰脩孰短世情每趨舍於其際而不易之箴規
 亦隨之以為趨舍爾故自憤世者言之則愈者深所怨者陰譏而
 詩人顯言曰誠不則夷然不屑也自思古者言之則哀者移情慕
 者動念而詩人正言之曰亦祇則灼然共見也富者亦有忠貞而

詩人所痛在徒擁崇高異者非無矯飾而詩人所褒在常存志節
斯言也其即夷齊景公之謂與

賦得舒文廣國華得華字五言八韻

學海原無際掄才詎有涯舒之文自麗廣矣

國為華金石聲逾壯琳瑯色更賁氣騰光日月筆展爛雲霞造

化真堪補江河茂以加製詞宣

紫誥草

制布黃麻獻賦應成鳳含毫欲夢花太常寧足數鏤錯不須誇

筆意軒爽亦能鈎勒題位

唯上知

聖人特舉相遠之質而先言上知焉夫相近之性而常人則然耳

苟求天定之相遠者則上知不可先舉哉且中人之質稍高則每

以上知自許夫上知固是使獨者其不可無一不能有二之資亦

豈易言乃挾浮慕之情而詡焉竊以自擬其亦徒震其名而

和察其所居何地而造何言吾恐其欲自尊而反不仙也何則性

之相近固中材之所同然也若夫懸絕本乎性者則非中材之所

有知習之相遠又常人之所必然也若其振拔離乎習者又非常

人之所能知吾乃於出乎天而不關乎人之質而特即上知言之

注中人說入注定
唯字筆意天
矯聲動

跟定上章來脉

包下愚并包中材
以及通題句極為
警醒

系活句以藏下意
仍限定上節以詮
題位

注下文與字包括
無限人以跌出題
句

出此隱含下愚對
比補出中間可移
之人

仍跟性習作結
中材應起講完密

如謂天命之有常乎則繼之者善不唯上知也而何以能通
天命也如謂人力之有助乎則相觀而善不唯上知也而何以
知不煩人加也蓋質之獨絕者唯上知云陰陽摩盪之中賦理初
無有二豈於上知而予之獨厚然而上知固宇宙所間出矣夫賦
之厚者原屬無多而既根於性則天雖至公賦授偏者有私而衡
人品者遂覺唯上知為獨厚也巴山川秀靈之氣生人豈有不同
寧於上知而鍾之獨清然而上知固今古所特起知夫稟之清者
自難數觀而既起於習則地雖無異鍾毓反若有殊而論人材者
遂覺唯上知為至清也已上知之資稟雖高要必有其志以副之

今將舉材細之輩而概責以上知之詢則其視上知太輕吾恐
姿有混而上知反難自異也必實以其志求之上知而後謂天定
之性者恍然知其唯此一上知之材質雖異要必有其力以赴
之今將以偏至之和而遽擡之以上知之品則其視上知太易吾
恐畸人可托而上知因之不尊也必顯以其力歸之上知而後特
各抱之才者竦然知其唯此一等故夫言性之本善者尚有偏也
唯上知而性始善言習之難染者非知理也唯上知而習難染不
移者唯上知與下愚耳然則中材可不自勉哉

賦得祈年天宗得誠字五言八韻

欲問來年稔。天宗祀竅誠。星辰瞻自遠。日月照逾明。抱珥祥
光見。迴杓歲序更。升壇陳大采。執紼繫牢牲。壇坎方宜辨。倉
庾為自呈。風雷占水旱。雲漢卜陰晴。貓虎迎還附。篝車祝共
盈。明裡勤。
法駕播穀課深耕。

唯字合下。愚一面方全。又須將中材托出。
方醒文能觀定。此旨緊跟上。章性習來。
用意明晰。筆亦清快。

精卓

君子亦有惡乎。欲察惡之當否。當先質諸君子焉。夫君子主愛。宜若無惡矣。然人之當惡者。君子豈亦不惡乎。以此質之。而惡之當否。乃見耳。子貢有惡人之志。而問曰。天下之所以成其愛者。莫切於用其惡也。天以覆幬為心。逆天心者。則示明威之警。人以渾涵為性。拂人性者。則加嚴肅之懲。苟有人焉。承好生之德。體從善之情。乃以為有愛而無惡也。此豈所以度君子哉。何則。彼無顯悖於事者。我曷為惡之。必有顯然見其可惡者。而後為我所指摘也。豈至於君子而獨不斥其顯乎。彼無隱害於心者。人何以惡之。必有隱然知其可惡。

語似尚須緊鍊

者而乃動人之嫉忿也。豈至於君子而獨不察其隱乎。然則君子豈不有所惡乎。如謂惡非君子之宜有。則四凶何以屏諸裔。如謂有惡非君子之所出。則廉來何不復其官。故以賜度之。君子自當有所惡也。所惡必當以君子為準也。且夫常人之惡。未免多挾其私。或異道而不相謀。或二心而不相得。量苟未廣。終不合大公之道耳。若君子則大公之道勝矣。包荒以體天地之仁。並育以全覆載之德。豈其事跡之顯悖者。亦必用愛以容之。雖理所當惡之人。盡宥而不問哉。公則必明。明則必斷。以大公為消小人之本。尤必以大公為懲小人之法也。不知君子於此。其將無惡以示愛道之

全乎。抑亦有惡以去愛道之累乎。常人之惡。未免多失之偏。或因甲而怒於乙。或聽此而嫉於彼。志苟稍徇。終不出至正之心耳。若君子則至正之心勝矣。類族辨物。以象同人。過惡揚善。以象大有。豈其心術之藏姦者。亦不忍違愛以燭之。雖眾所共惡之人。皆受而不絕哉。正則必辨。辨則必嚴。賴有至正以護善人之身。尤賴有至正以除善人之害也。不審君子遇此。其必無惡以極愛心之厚乎。抑亦有惡以成愛心之醇乎。賜於是竊有以窺君子矣。謂君子之惡。不以從眾為疑也。吾見同所惡而壯于堦。亦其所惡而揚于庭。謂君子之惡。不必違眾為嫌也。吾見始有所惡而繫以棍。亦終

有所惡而戰于野。然則謂君子不必有惡者。始未識君子之心者。非然。則異於君子。而漫以測君子者。予非然。則德非君子。而欲援君子以自解者。予賜也。以己之心度之君子。既有愛矣。君子亦有惡乎。未有精切處。似非得意之作。

賦得草色遙看近却無。得無字五言八韻。

小雨新含潤。春來草色殊。遙觀若有近。覩訝仍無煙。鏡光應合風。吹影欲敷。襯花紅自豔。蔭樹綠翻懼。淺尚依屏嶂。深還入鏡湖。人心何善幻。物態互相疑。已覺迷村墅。何如展畫圖。却看同碧柳。掩映滿皇都。

○ 明日子路

廣陵舟中閱

觀賢者於明日。因止宿之後記之焉。夫明日亦人之常也。而於止宿之後。以觀子路。則特記之以明日云。昔夫子之轍環天下也。期月三年之志。夫固每日不忘矣。跡其寬閒之日。莫非栖皇之日。即從遊若子路。不獲肅朝班於辨色。僅能免露處於向晨。蓋不獨石門一宿已也。如丈人止子路宿。既食之而見其二子矣。想其時賓主之交酬。何肅禮儀。卒度笑語。卒獲今夕何夕。幸得逢萍水之交。羈縻之繫。念逾深。道阻且長。道阻且躋。何斯違斯。終莫解衷懷之結。然而丈人初不問夫明日也。談笑為歡。當存燭不見跋之戒。寢

急點却是展局
具見筆妙

提筆再展

空中布景情
文相生

接筆神來

興是適更脩請社何趾之文若曰先生休矣詰朝可相見也然而
子路極不忘夫明日也少安毋躁何妨言就爾居且住為佳豈竟
不思其反若曰長者之命昧爽可復謁也吾指是知子路之有所
思矣思夫關河蕭索不知吾師之託足何方假令共宿於此則此
麻之內既留子嗟復留子國自可致異席之尊矣而今則誰與獨
也憂心忡忡不遑假寐此子路未明之情也思夫郵舍迢遙未
審吾友之寄身何所假令同宿於此則巢許之家既拙七友復萃
五人更可卜聯牀之聚矣而今則何時達旦也勞心切切莫敢違
息此子路將明之懷也忽焉三星其在戶忽焉三星其在隅念擊

餘波不竭

析之不聞而一日三秋心既迫而宵逾永俄而傾耳於蟲飛俄而
驚心于月出悵雞人之未報而一夕九逝夢雖短而漏彌長孰意
候晨光之熹微覩東方之既白而子路遂不覺至於明日矣有客
宿宿有客信信繫馬之所以相留也在丈人之意永今夕者方欲
更永今朝于女信處于女信宿鴻飛之所以不復也在子路之心
卜其夜者何敢復卜其晝於是子路辭去丈人及二子送之且誠
之曰不足為外人道也子路乃尋往路處處誌之遂行以謁孔子
而告其故云層、布景宛轉閣生吐屬名雋乃玉茗

賦得紅綻雨肥梅得肥字五言八韻之一遺

恰喜梅初熟。暎看雨正霏。黃會先已潤。紅綾色尤肥。結蒂漿
應滿。懷仁核自微。拋將金彈逐。鏤取翠籃歸。一夜驚雷破。連
朝霽日晞。乍窺香霧染。試探曉鶯飛。和鼎原相待。傾筐未覺
稀。絕勝櫻筍味。佐酒願寧違。

穩愜之作

小德出入

所出入者惟小德當由其大以觀之焉。夫德雖小何容聽其出入
哉。然以觀立乎其大者。或有時而出入矣。子夏蓋慮人之昧於大
也。曰夫人之所以成德者。當自有謹小慎微之學矣。蓋一行有虧
終貽百行之累。而一善無失。斯昭萬善之完。然或規規焉守其小
而忘其大。則先務已亡。即使克遵夫規矩。恐難自恃其防檢之周
也。如大德既不渝閑矣。第念大德其綱也。豈無目以析之乎。大德
其本也。豈無末以承之乎。則固有小德在矣。德母忽於心也。威儀
辭令之節。進退動作之文。有不於細行終累大德者矣。苟小有未

備即大有未全。欲脩其德者安得。以其小也。而忽之。德也。謹於心也。動靜語默之際。取舍與受之間。有克勤小物。乃懋大德者矣。苟於小致其精詳。斯於大多其裨益。欲進於德者。尤當因其小也。而謹之。而乃竟有出入者。或當思小學為大學之基。既謹其入。尤防其出。小德之致其密者。皆大德之求其備者也。此篤學者之功程也。然而小道為大道之餘。有時而出。有時而入。小德之有所差。皆大德之無所損者也。此見道者之志量也。則吾於出入之際。而仍以具不踰閑者按之。禮義者人之防也。決其防者。每在一事一物之間。則出入固所當慎也。然小德而無大德。以主之。自當尺寸之

不移。小德而有。大德以出之。則已見範圍之不過也。何也。小德固大德固之分呈也。或出而外乎防。或入而歸乎防。禮義之所錯。雖未必盡守其防。而不啻仍有大防之在。即經曲者。事之大節也。越其節者。每由一進一退之際。則出入自所必審也。然小德而離乎大德。以守之。第屬庸儒拘謹之情。小德而承乎大德。以畧之。不過為豪傑濶疎之病也。何也。小德固大德之散見也。或出而過於節。或入而赴於節。經曲之所該。雖未必悉合乎節。而亦已自有大節之存身。雖積學求其無歉。則既握其綱。更詳其目。器量宏者。自能包舉而無遺。而特躬在於居要。則欲為其末。先為其本。志氣專者。

常以稍疎而有失此無他小德之出入即由大德不踰之人自不必議其不可也

賦得無聲玉滿堂

得堂字五言八韻

禮闈春試士瑞雪正盈堂如玉鋪階下無聲灑砌傍露衣紫絮影拂袖帶梅香但覺輝生硯還隨韻繞梁曹風深唱嘆謝賦更悠揚筆落應增色文成詎借光瓊瑤原潔白圭璧盡圓加羣進豐年頌欣沾

聖澤長

廣陵舟中燈下

有始有卒者

始卒自有其序為思其詣之一貫者焉夫始卒固循序以至者也

乃若即所有而一貫以貫之不可懸舉其詣哉且大學言物有本

末而繼以知所先後與小學異者何也蓋大學之功自內以及外

故本為先圖小學之功自下而上故末為先務今以小學而遽

求大學之全則不必以先後知而可以始卒概也此其詣吾蓋懸

想而得之如所論道有本末教有先後固不可誣已本末之序自

道體分之知之則自有兩境也今欲合兩境為一境則即一境之

中和為始而和為卒矣先後之功自教法推之推之則猶有兩境

以始卒替本末先後自有深義特為拈出

精理名言扶題之奧清醒

撤得清

此以知言

此以行言

二義迴應小語

精切黃揮題
無餘蘊

也。今欲併兩候為一候，則一候之中，方先方始，而後已卒，始此
 必視乎人之有之也，有之則可不言本末，有之則可不言先後。
 矣。而誰則能有之者？精義入神，即寓於起居服習之間，而識
 超者為能探其原焉。由粗以求精，粗者盡而精者乃見，即粗以見
 精，精者得而粗者無遺。蓋識既徹，始知其原，而舉始與卒以貫之，則
 形上即見於形下，所以獨顯重離之明也。故一思其性分之所有，
 猶可見夫原始要終者，窮神知化之機，皆起於動靜云為之際，而
 力裕者為能握其要焉。積小以為大，小者疎而其根不固，即小以
 見大者立，而其業不虛。蓋力既據於其要，而舉始與卒以統之。

即下學即可以上達，所以獨得天行之健也。故一思其詣力之所
 有，猶可見夫因端竟委者，然則序固不可紊也。有造有德之科，豈
 可躐等以進？蓋始以圖卒者，意偏而趨向或悞，觀始以知卒者，
 心精而條理自陳也。即月之照也，無遠邇而皆融，中心之動也，無
 淺深而皆徧，此乃有之獨速者，而豈躐等者所能望哉？况尤不可
 缺也。小成大成之學，豈可越分以求？蓋始以為卒者，志深而造
 詣難克，據始以為卒者，加厚而精神獨注也。江河之決也，無高卑
 而皆滿，大氣之貫也，無小大而悉盈，此乃有之獨全者，而豈越分
 者所能冀哉？蓋有始然後有卒者，吾人用力之常，故進學寧從於

有漸而有始即能有卒者斯世獨完之論故圖功自見其寡傳其
惟聖人乎而可責之門人小子乎

賦得惟有葵花向日傾得心字五言八韻

獨有葵花盛開時日正臨立根非衛足披葉欲傾心東望扶
桑影西瞻若木陰疾風吹不變積霧蔽難禁指佞裁同地迷
陽關異材舍英懷合璧攢瓣帶圍金未向槐階植先從杏苑

尋

形迹依自切

湛露沐逾深

辭達理舉明如鏡快如刀可稱
精詣

夫子之得邦家者
維揚舟中閱

聖德可徵設言邦家之得焉夫夫子未嘗得邦家而欲徵其德則
必於邦家之得徵之故子貢設言以示子禽曰從來非常之人必
有非常之遇而况大聖人之得時則駕哉苟昧於其原復囿於乎
其量將道之所任未克灼知而遽謂知之則聖人之用世不顯知
夫子之不可及吾既以天之不可階為喻雖然猶有說也仰觀乎
天而可見然見之而天路實遠也吾與子舍遠而就近則當求諸
八境之內知日戴乎天而可知然知之而天體尚虛也吾與子因
虛而徵實則當約諸四境之中知今設有邦家於此更以觀夫子

之得之者宗邦不振久矣以夫子得之則周公可復未必非邦家
之光然而中鄒一宰小試有功司寇一為大行有兆或惜其未專
得專於國政耳抑知夫子而不得專於邦家斯已知夫子而得專
於邦家也其所得自有迥異於尋常者天下無邦久矣以夫子得
之則東周可為未必非邦家之福然而尼谿不授道沮於齊書社
不封道屯於楚或疑其未得久在朝班耳抑知夫子而不得久於
邦家斯已知夫子而得久於邦家也其所得更有獨成為至極者
自權臣得之魯卿共分公室晉卿迭將中軍其所得固不足言矣
若夫子而得之吾知窮年累世之譏鬱而不伸者必將於所得驗

之也古大人虎變有丘龍見有以彼其得位乘時獨非庸愚所共
仰者哉自霸才得之管仲相齊以富國子產治鄭以安民其所得
亦尚可幾矣若夫子而得之吾知期月三年之志積而必發者尤
可於所得覘之也古大臣纁帛有徵丹書有授彼其得志行道獨
非賢哲所豫期者哉蓋夫子之道德子或未必知之而其政事則
固可知者也夫子之化神子即未能見之而其迹象則固可見者
也試即得邦家而歷陳之而子應悟其不可及矣

賦得河出馬圖得圖字五言六韻

義皇開妙道易象顯真符河內來神馬波間出瑞圖九宮涵

大衍四象運中樞立極分天地隨方辨正隅疇應昭合璧數
欲演連珠從此休徵洽千秋仰

聖謨

開示子禽固當淺顯然須以語妙出之
文尚多采衍之病

8 因民之所利

紗帽洲夜泊詞

知民之所利者當思所以因之焉夫民自有其利初不計君子之
因之也乃君子必因之者不可謂盡心於民哉嘗聞帝王之傳統
傳常以相因而廢也抑知前後固有相因之心而上下亦有相
因之法蓋後之於前遠承之而以心相契而上之於下近接之而
以法相維皇執厥中盡君道以立大經者必體民情以建庶事也若
是者其惟民利是求乎夫利不可自君求之而必自民求之者也
雖然難言之矣上古艱鮮竝奏仰給於司空后稷而不患其煩後
世法式漸增取資於太府神倉而尚憂其乏則上之需利於下者

暗蒙上章
大書後皇

二者六人所同
有妙有根抵
任者揮得
題策

勢也。古者耕鑿自安，而出作入息，不知帝力之勤。後人轉移無業，而制產授田，俱賴王心之密。則下之微利於上者，時也以言乎勢，則難於為君，以言於時，則難於為民。然而君子曰：民固自有其所利也。我亦因之而已矣。利莫大於因天，敬授之法，虞書詳之，而首重觀天焉。察星之變，因以東作西成，順氣之更，因以韜詔，辨易或疑利源之開，因夫時而於民無與抑。知人心和而後天心應，因之而天時不隨，民事為轉移矣。觀於函風陳七月之章，而終以羔羊之獻，民且歸天之利于君，則民之所利在天可知也。君子於其所利者，因之而精神直可以成天利，莫大於因地安擾之方。司徒職

因字說得精透

之而先舉辨地焉。土會有五，因其常而施教，土均有九，因其變而制。征或疑利端之廣，因地域而非淺所始，抑知人力奮而後地加興。因之而地域亦視民功為高下矣。觀於禹貢敷九州之土，而必及貢賦之均，民尚輸地之利於上，則民之所利在地可知也。君子於其所利者，因之而智力自足，以平地人見夫十五建極立綱，陳紀必多更始之端，以為創而非因，而何非因也。夫殷因夏禮，周因殷禮，法制之因乎前代者，尚有損益之條，而茲則保息，因其心本俗，即其性，上因不言，民亦不知，何其因之化而神也。而豈若輿人興誦，必待寬猛之施哉。人見夫議將行發號施令，必有張弛之殊。

因言天則於

以為革而非因而莫非因也。夫高因邱陵。下因川澤。庸功之因。其初基者。尚有經營之迹。而茲則市井因其貨。工賈因其材。君固不煩民。亦不擾。何其因之簡。以靜也。而豈齊國擅財。必待魚鹽之術哉。蓋君之利不容取。故因之。而國自無憂。民之利出於自為。故因之。而財乃不匱。因而利之。斯惠而不費矣。君人者。毋忽因民之道哉。

議論透闢辭氣暢達能擷官禮之精華

